

CREE HYMNS

Copyright 1974

Revised 1980

Printed in Canada by
Northern Canada Evangelical Mission
Prince Albert, Saskatchewan

INDEX

A Ruler Once Came	127
Abide With Me	83
Alas, and Did My Saviour Bleed	12
All To Jesus I Surrender	116
All The Way My Saviour Leads Me	84
All Hail the Power of Jesus' Name	2
Almost Persuaded	58
Amazing Grace	132
Angels From The Realms Of Glory	68
Away In A Manger	69
Beneath The Cross of Jesus	61
Blessed Assurance	115
Blessed Be The Fountain Of Blood	28
Blest Be The Tie	111
Break Thou The Bread Of Life	3
Christ The Lord Is Risen Today	99
Come Ye That Love The Lord	124
Come Every Soul By Sin Oppressed	85
Come To The Saviour	120
Down At The Cross	81
From Greenland's Icy Mountain	20
God Sees The Little Sparrow Fall	40
God Be With You Till We Meet Again	13
God Loved The World of Sinners Lost	126
Guide Me, O Thou Great Jehovah	90
Hark, 'Tis the Shepherd's Voice I Hear	112
Hark, The Herald Angels Sing	75
Have You Been To Jesus	10
Have You Any Room For Jesus	55
He Leadeth Me	48
He's Coming Soon	30
Heavenly Father	31
Holy, Holy, Holy	1
How Great Thou Art	62
I Will Sing Of My Redeemer	122
I Hear The Saviour Say	21
I Hear The Voice of Jesus Say	109
I am So Glad That Our Father In Heaven	117
I Love To Tell The Story	32
I Must Have The Saviour With Me	123
I Will Tell You The Story Of Jesus	42
I Saw One Hanging On The Tree	6
I Hear Thy Welcome Voice	87
I Need Thee Every Hour	22
I Am Thine, O Lord	114
I Know My Heavenly Father Knows	125
I'll Go Where You Want Me To Go	37

I'm Not Ashamed	128
I've Left The Land Of Sin And Death	25
I've Found A Friend	82
In The Cross Of Christ I Glory	65
Is There Anyone Can Help Us	95
Isn't The Love Of Jesus	43
It Came Upon A Midnight Clear	70
Jesus Keep Me Near The Cross	33
Jesus Loves The Little Ones	18
Jesus My Saviour To Bethlehem Came	74
Jesus Bids Us Shine	101
Jesus, Lover Of My Soul	64
Jesus Is Tenderly Calling	9
Jesus Loves Me	119
Joy To The World	71
Just As I Am	59
Lord Jesus, I Long To Be Perfectly Whole	14
Lord, I Hear Of Showers Of Blessing	131
Love Divine, All Love Excelling	93
Low In The Grave He Lay	100
Must I Go And Empty-Handed	118
My Faith Looks Up To Thee	106
My Jesus I Love Thee	113
My Hope Is Built On Nothing Less	91
Nearer, My God, To Thee	103
Nor Silver, Nor Gold	45
O, How I Love Jesus	26
O Come, All Ye Faithful	67
O Happy Day	66
O Little Town Of Bethlehem	72
O For A Thousand Tongues To Sing	4
Pass Me Not, O Gentle Saviour	77
Praise Him, Praise Him	8
Praise God	19
Rescue The Perishing	41
Ring The Bells Of Heaven	24
Rock Of Ages	110
Safe In The Arms Of Jesus	86
Saviour, Again To Thy Dear Name	88
Saviour, Thy Dying Love	17
Saviour, Like A Shepherd Lead Us	89
Shall We Gather At The River	49
Showers of Blessing	35
Silent Night	73
Simply Trusting Every Day	38
Sing Them Over Again To Me	97
Sinners Jesus Will Receive	56
Softly And Tenderly	51
Soldiers Of Christ, Arise	92

Stand Up, Stand Up For Jesus	7
Sun Of My Soul	129
Take The Name Of Jesus With You	47
Take My Life, And Let It Be	78
Tell Me The Old, Old Story	53
Tell Me The Stories Of Jesus	50
The Great Physician	105
The Old Rugged Cross	63
There Is A Fountain Filled With Blood	79
There Is A Green Hill	11
There Is Coming A Day	15
There Is A Happy Land	121
There's A Land That Is Fairer Than Day	96
There's A Stranger At The Door	16
Thou My Everlasting Portion	133
Thy Life Was Given For Me	107
To God Be The Glory	5
To The Work	34
Up Calvary's Mountain	29
Was It For Me	80
We Have Heard The Joyful Sound	108
What a Friend We Have In Jesus	27
What A Wonderful, Wonderful Saviour	36
What Can Wash Away My Sin	130
When Upon Life's Billows	46
When My Life-Work Is Ended	52
When I Survey The Wondrous Cross	60
When The Roll Is Called Up Yonder	102
When He Cometh	39
When All My Labours And Trials Are O'er	94
While Shepherds Watched	76
Will You Come	54
Wonderful Story of Love	23
Would You Be Free	57
Years I Spent In Vanity And Pride	104
Yesterday	44
Yield Not To Temptation	98

1. Kā kanātisiyan Tepeyihcikeyan
 E nanāskomitāhk e nikamostātāhk
 Kā kanātisiyan kiséwātisiyan
 Manito kā nisto peyakoyan
2. Kā kanātisiyan kikisteyimikwak
 Kahkiyaw aniki kā Kanātisicik
 Asici angelak kipatapistākwak
 Kākike kīya Manitowīyan
3. Kā kanātisiyan tipiskāhk eyāyān
 Āta kā macātisit ekā e wāpamisk
 Kīya piko kā mamitonihtahtaman
 Maskawisiwin sākihiwewin
4. Kā kanātisiyan sīyohkātisiyan
 Misiwe ita nokwan kit atoskewina
 Kā kanātisiyan kiséwātisiyan
 Manito kā nisto peyakoyan

Isaiah 6:3

“Peyak māka kī tepwāteu kotaka
omisi e kī itwet, kanātisiw,
kanātisiw, kanātisiw, kā Típeyihciket
misiwe siyokātisit; misiwe askiy
sākaskineyiw o kisteyitākosiwin.”

1. Jesus wiyowin mawaci
Kā kisteyihtākwak
Okimawastotin petāk
Postastotinahik
2. Kā pōnetamākawiyek
Kā kī macihtiyek
Pakitinisok ositihk
Kihci okimawit
3. Misiweskamik kāyāyek
E nanahihtamek
Māwac ekwa kisteyimihk
Kihci okimawiw
4. Kīki mamaweyatiwak
Ispimihk eyācik
Kika nikamostāwānaw
E kistakimāyahk

Philippians 2:10

“O wiyowinihk Jesus kahkiyaw
awiyak kita ocihcikwanit, kihci kīsikohk
mīna askīhk mīna atāmihk askīhk.”

1. Ah Jesus asamin kit itwewin
 E kī nanāwīyan pahkwesikan
 Tepeyihcikeyan kinātītin
 E akawātītān nit ahcāhkohk
2. Ah Jesus asamin kit itwewin
 E kātayān nitehihk kākike
 Kiskinohamawin e tehtamān
 Kiyām kita pimitisahotān
3. Pakitinin kita wāpahtamān
 Tāpwewin kit itwewinihk ohci
 Ekwa kīya piko ta wīcetān
 Āhci piko kika naspitātān
4. Tāpwe saweyimin anohc kīsāc
 Kā kī saweyimat pahkwesikan
 Tāpwe pimācihin mīna miyin
 Peyahtakeyimowin asici

John 6:35

“Jesus māka omisi kī itew,
nīya ni pimātisiwi pakwesikaniwin:
ana māka kā pe nasit namawīhkāc
kita nohtekatew; mīna kā tāpweyeyimit
namawīhkāc kita nohteyāpakwew”

1. Ah pitoni tāpwe mihcet
E wīcihiwecik
Kita nikamostāwacik
Nopimācihiwem
2. Nit okimām Nimanitom
Wīcihin kita kī
Wīhtamān misiwe askīhk
Kikistātisiwin
3. E pehtākwahk kiwiwōwin
Nama nisekisin
E miyotahk omacātis
Ohci miyo ayāw
4. Pikonam macihitiwin
Espihci maskāwak
Opimācihiwew omihkohk
Ni ka kī pehkihih

Nikamona 149:1

“Mamihcimihk kā Tipeyihciket,
Nikamostahk kā Tipeyihciket
oski nikamon, mīna o mamihcimikowin
o māwacihitowiniyihk okanātisima.”

1. Mamihcimik Manto kihci kekwaya
Kā kī itohtahk e kī miyikoyahk
Okosisa kā kī pakitinisoyit
Ta tipahamākestamākawiyahk

Mamihcimik Manito
Ta pehtākwahk askīhk
Mamihcimik Manito
Mamahtākositāk
Pe nātik Ohtāwimaw Jesus ohci
Kā tōtamākoyahk kihci kekwaya

2. Miyo tipahamākestamākewin
Kā kī atawet omihko ohci
Ekosi macātis ka tāpwehtawew
Kīsāc Jesusa kita pōneyihtamāk
3. Ekwa ki kī kiskinohamakonaw
Kihci kekwaya kā kī ihtōtahk
Nāspic ki ka mamahtākosinānaw
Ispi tepāpamāyahki Jesus

John 3:16

“Wīya Kisemanito ispihci sākihtat
askiy, kī mekiw o peyako kosisana,
piko awiyak e tāpweyeyimāt
ekā kita nisiwānātisit, māka
kita ayāt kākike pimātisiwin.”

I Saw One Hanging On The Tree 6

1. Ni wāpamaw e akocihk
Āsiteyātikohk
Jesus nīsta ni wāpamik
Kisiwak e ayāyān

Tāpwe pakitinisow ciy
Āsiteyātikohk
Ni māmāskāten nitehihk
E nipostamawit

2. Nama ni wanikiskisin
Kā kī peswāpamit
Christ e kitimākinawit
E kisewātisit

3. Nit ātāmeyihtākosin
Ni kosikweyihten
Ni kihci macihtiwina
Jesus kī nayahtam

4. Nama ni kī kiskeyihten
Tānsi e tōtamān
Tānte māka ke kāsoyān
Ni kī cīstāskwātāw

5. Kihtwām ni kī wāpamaw Christ
E pōnehtamawit
Nīya ohci e kī nipit
Kita pimātsiyān

1. Nīpawistamāk Jesus onotinikema
Okihci kiskiwehikon ispimihk akotāk
Kā kihtwām sākohtwawin
Jesus kā nīkanohtet
Kahkiyaw ta sākohtāt
Misiweskamikohk
2. Nīpawistamāk Jesus pipikwan pehtamok
Pasikok notinikek anohc kā kīsikāhk
Nāpetik sohkitehihk
Sokan macāyiwin
Atoskāhk sohkeyimok
Kakwe maskawisik
3. Nīpawistamāk Jesus kā wīcihikowaw
Omaskawasiwinihk piko aspeyimok
Postiskamok asowisk
Sohki ayamihāk
Tepwātikawiyeko
Ekota atoskek
4. Nīpawistamāk Jesus namawiya kinwes
Anohc notinikewin wīpac sākohtwawin
Ana kā sākocihtāt
Kita kistakimaw
Okihci okimāma
Kita wītapimāt

1. Mamihcimik Jesus kā pimācikoyahk
Nikamostāk askīhk kā ayāyek
Mamihcimik kihci angelak ispimihk
Kistetamok okihci wiyowin
Kanaweyimew ot awāsimisa Christ
Manito kā kī miyisk wīya

Mamihcimik Jesus kā pimācikoyahk
Mamihcimik kākike nikamok

2. Mamihcimik Jesus kā pimācikoyahk
Kimacihtiwiniwahk ohci
Kī kotakihtaw mihkowiw mīna nipiwi
Sākihiwewinihk e yoskātisit
E nayatahk okāwiminakasiyak
E postastotinahikot ostikwān
3. Mamihcimik Jesus kā pimācikoyahk
Nikamok kihci kīsikohk kāyāyek
Kākike ta tipeyihciket Jesus Christ
Postastotinahik kihci okimaw
Sākohtāw nipowin wīhtamok kahkiyaw
Tānte kisākotwāwi yikwahaskān

Nikamona 103:2

“Nanāskom kā tipeyihciket nit ahcāhk
mīna ekāwiya wanikiskisitotam kahkiyaw
o miyototākwina.”

1. Jesus pekāc kinatomikowāw
E natomikoyek anohc
Tānehki wahyaw kā nakatāyek
Sākihiikoyek ana

E natomikoyahk anohc
E natomikoyahk anohc
Jesus e natomikoyahk
Anohc kā kīsikahk

2. Jesus natomew kā nestosiyit
Natokemow natokemow
Ekosi pehtaw kinayahcikan
Kika otinik tāpwe

3. Jesus e pehot ah penās ekwa
Pehow anohc pehow anohc
Penās kimacihtiwinihk ohci
Ositihk patapista

4. Jesus e natokemot natotaw
Pehtaw anohc pehtaw anohc
Tāpwehta owiyowinihk ekwa
Semāk pasiko semāk

1. Āsay nā ki kī peci nātaw Jesus
 Ki kisīpekinikawin nā
 Mitoni nā kita speyimototawaw
 Ki kisīpekinikawin nā

 Jesus Christ omihko
 Ki kisīpekinikawin nā
 Kit ahcāhk nā āsay e wāpiskisit
 Jesus ki kī pehkihih nā
2. Kopimācihiwem nā kiwīcewaw
 Kitāpweyeyimaw nā Jesus
 Mosak nā kikiskisin e kī nipit
 Ki kisīpekinikawin nā
3. Ispi Jesus pātima takosiki
 Kita wāsisiw nā kit ahcāhk
 Kikwayātinisin kihci kīsik ohci
 Ki kisīpekinikawin nā
4. Wepina misiwe kimacihtiwin
 Jesus māka ki ka pehkihih
 Moskiciwan e ohcikawik māka
 Kita kisīpekinikoyan

1. Wāhyaw ayāw ispatinaw
Kā kī cīstāskwātiht
Kopimācihiweminaw
Nipostamākoyahk

Tāpwe tāpwe sākihiwew
Nāspic sākihātān
Omihk kā pimācihiwet
Mamisitotamahk

2. Nama kikiskeyihtenaw
Ot ayimisiwin
Māka kitāpwehtenānaw
Pemācihikoyahk

3. Ta pōneyihtamākoyahk
Kī nipostamākew
Kākike pimātisiwin
E wī miyikoyahk

4. Nama kotak kī miskawaw
Ke tipahamāket
Wīya piko kī apaham
Kīsikowi iskwāhtem

1. Jesus tāpwe kī mihkowiw
Nopimācihiwem
Nīya ohci macihtiwin
Isi nākosiyan
2. Nimacātisiwina ciy
Kā kī nipahikot
Kihci kisewātisiwin
Tāpwe esa misaw
3. Tasipwaw pīsim kākī kāsot
Manito nipahiht
Ayisiyiniwa ohci
E kī macihtwāyit
4. Nika nānepewihikon
Nimacihtiwin
Kiyām ta tihkitew niteh
Nāskomowin ohci
5. Māka namawiya tāpwe
Nikakī tipahen
Ekwa nipakitinison
Ah Jesus otinin

1. Manito kikawī wīcewik
Kikawī kiskinohtahik
Kikawī kanaweyimik
Pīyis kita nakiskātoyahk

Pīyis mīna ke nakiskātoyahk
Ita Jesus e ayāt
Pīyis mīna ke nakiskātoyahk
Manito kikawī wīcewik

2. Manito kikawī wīcewik
Kā wī kihci saweyimik
Tahto kīsikāw asamik
Pīyis kita nakiskātoyahk

3. Manito kikawī wīcewik
Mekwāc ayimisiwinihk
Ospitōnihk ta ayāyan
Pīyis kita nakiskātoyahk

4. Manito kikawī wīcewik
Sīpa sākihiwewinihk
Kita tawinahk nipowin
Pīyis kita nakiskātoyahk

1. Tepeyihcikeyan ah pimācihin
 Jesus ayā kākike nit ahcāhkohk
 Kisīpekinin ki mihkohk ekosi
 Nika wāpiskisin ispihci kōna

 Ispihc kōna ah ispihc kōna
 Nika wāpiskisin ispihci kōna
2. Ah Christ Jesus yāsi kānawapamin
 Wīcihin tā pakiteyimisoyān
 Kipakiteyimostātin ekosi
 Nika wāpiskisin ispihci kōna
3. Jesus oma ki pakoseyimitin
 Kipehitin kita pimācihiyan
 Kisīpekinin kimihkohk ekosi
 Nika wāpiskisin ispihci kōna
4. Ah Jesus kiwāpahten e pehitān
 Ta miyiyān kanāci oski miteh
 Ekāwiya anwehtawin ekosi
 Nika wāpiskisin ispihci kōna

Nikamona 51:7

“Kisipekinen ekosi ayiwāk
ni ka wāpiskisin iyikohk kōna.”

1. Kita pe kīsikāw ke mīweyihtākwhak
Ekā ke mātoyahk ekā ke nipiyāhk
Kahkiyaw mīwāsin kihci kīsikowaskīhk
Tāpwe kita miyo kīsikāw

Ke miyo kīsikāhk wāpamaki Jesus
Ke kanawāpamak ana kā pimācihit
E sakicihcenit e kiskinohtahit
Tāpwe kita miyo kīsikāk
2. Ekā ihtākwhak ayimisiwina
Nama wīhkāc mīna ahkosiw awiya
Ni ka wīcāyāmaw nopimācihiwem
Tāpwe kita miyo kīsikāw
3. E asawapamayahk kihtwām kita petohtet
Ta penātikoyahk kākike wīcīwāyahk
Kita kīsikayāpan wāpamayahki Jesus
Ekospi ka miyo kīsikāw

Kiskeyitākokewin 21:3,4.

“Ekosi Kisemanito wīya keciwāk
kita wīci ayāmew, mīna
kita o Kisemanitomiwak;
ekosi kita kāsīhamwew kahkiyaw
ohcikawāpiwin oskīsikowahk ohci.”

1. Awiyak iskwāthemihk pīhtokwa
Mihcetwaw e kī pehot pīhtokwa
Pīhtokwah wes kac eyāt pīhtokwa kanācihtāw
Jesus Christ pimācihwew pīhtokwa
2. Yotenamaw kitehihk pīhtokwa
Pīyis kita sipwehtew pīhtokwa
Jesus kā kitotemisk kecina kā penātisk
E wī kanaweyimisk pīhtokwa
3. Natohta e sākihisk pīhtokwa
Ekwa anohc nawaso pīhtokwa
Nīpawiw kit skwāthemihk kika mīweyimohik
Wiyowin kihceyihten pīhtokwa
4. Kīsikohk peohtotew pīhtokwa
Wīhkohtowin kā miyisk pīhtokwa
Kika pōneyihtamāk kahkiyaw macihtiwin
Jesus ka kīwetahisk pīhtokwa

Kiskeyitākokewin 3:20

“Mātika, ni nipawin iskwāthemihk
mīna ni pāpāwahikan; kīspin awiyak
ayisiyiniw pehtaki nit itwewin
mīna yotenaki iskwāthem,
nika pitokawāw ekosi nika wīci micisomew
mīna nika wīci micisomik.”

1. Kī nipostamawit e sākihit
Kika sākihitin kīya Jesus
Kipatapistātin e asotamātān
Pakitinisoyān kīya ohci
2. Kisewātisiwin nīya ohci
Ki ka tāpwehtātin kīya piko
Nika ānwehtāson e wī wāwihtamān
Kisākihiwewin misiweskamik
3. Tāpwewin nitehihk nāspitātān
Tahtwaw e kīsikāhk kīya ohci
Miyo atoskewin e wī kiwehtahak
Awiyak wenihot Jesus ohci
4. Kahkiyaw e ayāyān kimekiwina
E pakitinamān kīya ohci
Ispi wāpamitān pimātisiwinihk
Kākike ki ka kī tipeyimin

Titus 2:14

“Kā kī pakitinisot kīyānaw ohci,
kita kī paspihikoyahk kahkiyaw
macihtiwinihk ohci, mīna kita
pehkitamāso wīya kita ot iyinīmit
e āhkamiyimototamiyit miyo atoskewina.”

1. Jesus sākihew awāsisa
Jesus sākihew awāsisa
Apiscāwāsisa
Tāpiskoc nīya
Jesus sākihew awāsisa
2. Jesus sākihew awāsisa
Jesus sākihew awāsisa
Ahpo tehtapiyiwa
Ocikwanihk mīna
Jesus sākihew awāsisa

1. Mamihcimik Weyohtawik
Mīna Jesus Okosisa
Mīna kanātisit Ahcāhk
Mamawi peyak Manito

1. Kīwetinotahk ohci
Sawanotahk isi
E tahtoskānīsicik
Otāskiwahk isko
Ita piko eyācik
Ayisiyiniwak
Tepwewak paspihinān
Macāyiwin ohci
2. Wāseyahk kā ayāyahk
Kā kiskeyihtamahk
Nama kiwīhtenaw ciy
Pimācihiwewin
Ah kiyām tāpehtākwan
E ispicāhk askiy
Pīyis kiskeyihtakwāw
Owiwowin Jesus
3. Wāstew kā mekawiyahk
Enīsiwin mīna
Kikītininānaw ciy
Ekā e mekiyahk
Pimācīhikosiwin
Esi meyotākwahk
Eskwaskamikāk askiy
Wīhta owiyowin

1. Nipehtawaw Jesus
 E tepwāsīt nīya
 Kā nīsowisiyan
 Kika aywepihitin

 Ni kī nipostamāk
 Nopimācihiwem
 Omihko nipehkihikon
 Macihtiwīn ohci
2. Tāpwe nama kekway
 Mewāsik nīt ayān
 Christ nī kī nipostamāk
 Kestātāhk owiyowin
3. Ispi itohtahici
 Owāskahikanīhk
 Christ nī kī nipostamāk
 Tāpwe nika ātoten
4. Otiskawiskamān
 Jesus ot apiwīn
 Nika nikamowān
 E kī pimācihit

1. Kit akawātitin
 Nimanitom
 Kipetakosiwin
 Kiyāmewan

 Kinataweyimitin
 Tahto tipahikan
 Ah Jesus saweyimin
 Kinātitin
2. Kit akawātitin
 Ah wīcewin
 Kocihikowīnihk
 Ah wīcihin
3. Kit akawātitin
 E ayimisiyān
 Kesiskaw pe nāsin
 Keta pimātsiyān
4. Kit akawātitin
 Kā kanātisiyan
 Kiyām tipeyimin
 Ekosi kākike

1. Māmaskāc sākihiwew
Wīhtamawin kihtwām
Māmaskāc sākihiwew
Kākike nikamo
Angelak wīhtamākewak
Kayate pe otinikāteu
Macātis ki tāpwehten ciy
Māmaskāc sākihiwew

Māmaskāc māmaskāc
Māmaskāc
Māmaskāc sākihiwew

2. Māmaskāc sākihiwew
Āta wāhyaw ayāyān
Māmaskāc sākihiwew
Mekwāc natohkemo
Spatinahk Calvary ohci
Katawasisiwi sīpīhk
Weskāc osihcikewinihk
Māmaskāc sākihiwew

3. Māmaskāc sākihiwew
Jesus aywepihew
Māmaskāc sākihiwew
Kā kanātisiyit
Aywepihāwak ispimihk
Ki kī niyekānohtehit
Māmahtako nikamocik
Māmaskāc sākihiwew

Ring The Bells Of Heaven 24

1. Mamahtākosiwin kihci kīsikohk
Peyak omacātis pekīwew
Cīst e nakiskākot kohtawinawa
Miyo otinik omacātis

Tāpwe Angelak nikamowak
Kihci mamahtākosiwinihk
Wāpamewak peyak omacātisa
Kā kweskātisiyit mitoni

2. Mamahtākosiwin kihci kīsikohk
Ana kā wanisihk miskawaw
Pōni macitōtam e kweskātisit
Ekwa e oski nihtawikit

3. Mamahtākosiwin wawīhtamātān
Angelak mamahtākosiwak
Wīhta ācimowin misiweskamik
Peyak kā oski nihtawikit

Luke 15:7

“Kit itināwāw, ekosi mwehci
miyawātamowin ke isi ayāk
kihci kīsikohk peyak omacātis
ohci kā kweskātisit.”

1. Ninakaten macihtiwīn
Mihcetwak kā nocihtācīk
Nohte kiskeyihtamāni
Ninatonen kotak askiy

Ota askīhk namāc nīkiy
Namawīya nohci aywepin
Pīyis takosiniyāni
Ekota ispimihk nīkihk

2. Nitotemwak nititikwak
Ekāwīya ayamihā
Namāc ninatohtāwāwak
Ninātonen kotak askiy

3. Ki wī pakoseyimitin
Kīsta kita itohteyan
Ekāwīya sākweyimo
Nātonetān kotak askiy

John 5:24

“Tāpwe, tāpwe, kit itināwāw,
ana kā pehtahk nit itwewiniyiw,
mīna kā tāpwetawāt
kā pe isitisahayit,
ayāw kākike pimātisiwin
namawīya māka nanipomikowinihk
kita pe itohtew, māka mayaskam
nipowin pimātisiwinihk isi.”

1. Peyak wiyowin ihtākwan
E sākihtāyān mosak
Wiyowin kā miyotākwahk
Owiyowin Jesus

Nisākihāw Jesus
Nisākihāw Jesus
Nisākihāw Jesus
Nistam ni kī sākihik

2. Ni wīhtamākon Jesus ohci
Wīya kā sākihik
Mīna kā nipostamawit
Āta e macātsiyān

3. Ni miyotehikon wiyowin
Mikoskāteyimowinihk
Tāpwe e wīhtamākoyān
Kihci kīsik ohci

I John 4:19

“Ki sākihānaw cikema wīya
nīkān e kī sākihikoyahk.”

What A Friend We Have In Jesus 27

1. Tāpwe kiwīcihikonaw
Jesus kit ōteminaw
E kī tawinahk kākike
Ta nātāyahk Manito
Mihcetwaw kotakihtawin
Pikwantaw kit āyānaw
Ayis nama kinātānaw
Jesus pemācihiwet
2. Nāntaw ciy ayimisiwin
Kipatakoskākonaw
Kāwiya sākweyimotāk
Jesus wīhtamawātān
Ki ka kī miskawānaw ciy
Ke miyototākoyahk
Wāpahtam nesowātsiwin
Kiyām wīhtamawātān
3. Kinesowisinānaw ciy
Kosikwan nayahtamahk
Kopimācihiweminaw
Kika wīhtamawānaw
Kinakatikonawak ciy
Askīhk wetōtemiyahk
Christ kika otinikonaw
Kika sītonikonaw

Blessed Be The Fountain Of Blood 28

1. Kita wī kisteyihtākwān
Omihko kā sīkipayihk
Jesus ni kihci Manitom
Kā kī nipostamākoyahk
Āta e kī wansiniyān
E maceyihtākosiyān
Jesus kicīstāpawahin
Ekwa ke wāpiskisiyān

Pīyis mwehci kōna
Kā isi nākwahk
Jesus kicīstāpawahin
Ekwa ke wāpiskisiyān
2. Kā kī nipostamawīyan
E cīstaskwātikowīyan
Nāspic kikakwatakeyimon
Mītoni e sākihiyan
Kikakī kiskinohtahin nā
Anima moskiciwan
Jesus kicīstāpawahin
Ekwa ke wāpiskisiyān
3. Nohtā e kiskeyimiyan
Nipowin e ohtisiyan
Tasine e nakatitān
E wanisiniyān tāpwe
Jesus kimoskiciwahk
E aspeyimototātān
Kīsāc kicīstāpawahin
Ekwa ke wāpiskisiyān

1. Calvary wacīhk kayās aspin
Kospaciwew opimācihwew
Nipostamawew omacātsa
Tā paspihāt macīskotehk ohci

Kā mīwātisit opimācihwew
Akocin pimitāskwahikanihk
Kakwatakihtaw kiyānaw ohci
E isi nipostamākoyahk
2. Nohtawi pōneyihtamawik
Jesus kit isi ayamihaw
Mekwāc e sīkinahk omihko
Kiyāpic tāpwe e sākihit
3. Ekosi nīsta ni sākihaw
Mīna ni kisteyimaw Jesus
Ayāyāni kihci kīsikohk
Tasine nika mamihcimaw

I Peter 2:24

“Wīya keciwāk kā ki nayatahk
ki macihtiwiniwawa mistikohk,
kiyānaw e nipiyahk macihtiwinihk isi
kita pimātisiyahk kwayaskitātisiwinihk isi.”

1. Ohi skwayāc kīsikāwa
Tāpwe ki mīweyihtenaw
Wīpac kita wāpamayahk
Kita okimawit misiweskamik

Wī takosin wī taskosin
Mīweytamowinihk wāpamayahk
E kīsikahk ahpo e tipiskāhk
Wīpac kawī wī takosin
2. Kā kī nipicik Christ isi
Kawī ke opisīsihkwa
Nayawac mamawateyis
Kita nakiskātonānaw ekote
3. Ekwa ka pimātisiyahk
Kā nakiskawānaw Jesus
Oma pakoseyimowin
Ot itwewinihk ke asotamāket

Kiskeyitākokewin 22:20

“Ana kā ācimot ohi itwew, ehe;
kiyipa ni pe itohtān.
Āmen; pe itohte,
Tepeyihcikeyan, Jesus.”

1. Nohtawi ki kisteyimitin
Nohtawi ki kisteyimitin
Ki sākihitin ki mamihcimitin
Nohtawi ki kisteyimitin
2. Jesus ki kistakimitin
Jesus ki kistakimitin
Ki sākihitin ki mamihcimitin
Jesus ki kistakimitin
3. Kā kanātisiyan ahcāhk
Kā kanātisiyan ahcāhk
Ki kiskinohtahin ki miyotehin
Kā kanātisiyan ahcāhk
4. Manto kā nistopeyakoyan
Manto kā nistopeyakoyan
Ki kiskinohtahin ki miyotehin
Manto kā nistopeyakoyan

John 5:23

“Kahkiyaw māka ayisiyiniwak
kita kisteyimācīk okosisimāwa,
tāpiskoc kā isi
kisteyimācīk otawimāwa.”

1. Tasine nīt ātoten ispimihk kekwaya
Christ kisteyihtākohaw
E kī sākihiwet
Tasine nīt ātoten cikema tāpwewin
Nitepeyawehikon nama kekway pītos

Tasine nīt ātoten
Ni ka wīhten kīsikohk
Ni ka ācimaw Jesus
E kī sākihiwet
2. Tasine nīt ātoten ayis awasime
Mamāskateyihākwan
Ispimihk nikamon
Mosak e ātotamān nisaweyimikon
Ewako ohci anohc kā wī wīhtamātān
3. Tasine nīt ātoten cikema miywāsin
Kākihtwām e wīhtamān
Nawac miyotākwan
Tasine nīt ātoten atiht nama ceskwa
Pehtamwak ācimowin Manto ot itwewin
4. Tasine nīt ātoten cikema wīyawaw
Sāsai kā kī pehtakwaw
Mawac sākihtawak
Tasine nīt ātoten nika nikamosten
Kayāsi ācimowin kā pe sākihtāyān

1. Jesus kanaweyimin
Āsiteyātikohk
Kicīstāskwātikowin
E aspeyimoyān

Jesusihk Jesusihk
Nika kistācimon
Isko nit ahcāhk miskāhk
Aywepiwin ispihik
2. Mekwāc e wanihoyān
Jesus ni kī miskāhk
Okisewātsiwinihk
Kā ohci sākihik
3. Jesusihk nimanitom
Kiskisomin mosak
Cīkiy nika pimohtān
Tāpwehtamowinihk
4. Ekota nika pehon
E aspeyimoyān
Isko ke otihtamān
Kākike itawin

1. Atoskek atoskek atoskāhk Manito
Pimitisahamok omeskanāw Jesus
E sītonikoyek omaskawisiwin
Kiyām itōtetān esi kaskitāyāhk

Atoskestawātān
Atoskestawātān
Asowāpamātān
Iyikohk takosihk Jesus
2. Atoskek atoskek kiyām asamihkok
Kā nohtekatecik kā nesowisicik
Wīhtamawātānik kā macātisicik
Kita kī pimācihikocik Jesusa
3. Atoskek atoskek kahkiyaw kīyawaw
Kita ikatenahk macitōtamowin
Owiowin Manto takisteyihtākwahk
E nikamoyahk mohci pimācihowin
4. Atoskek atoskek osokātsiwinihk
Manto pātima ta aywepihikoyahk
Ispi otihtamahk kanāci itawin
Kā nikamonānaw opimācihwewin

Showers Of Blessing 35

1. Kihci saweyihcikewin
E asotahk Manito
Ahcāhkowi miwāyawin
Jesus e miyikoyahk

Saweyikcikewin
Kā nataweyih tamāhk
Ayiwak saweyihcikewin
E natotamawayāhk
2. Kihci saweyihcikewin
E sīkinahk Manito
Misiwe tasihkewinihk
Tāpiskoc sekipistaw
3. Kihci saweyihcikewin
‘ isitsahamawinān
Misiwe maskawisiwin
Kisteyihta kit itwewin
4. Kihci saweyihcikewin
Ah pitani ihtākwahk
Manto e wīhtamawāyahk
Ki macihtiwiniw

1. Ni sākihaw nopimācihiwem
Kā kī nipostamawit
E mohci sīkinahk omihko
Omacātsa ta paspihāt

Jesus ni kī nipostamāk
Jesus ni kī nipostamāk
Āsiteyātikohk kī cīstāskwātāw
Jesus ni kī nipostamāk

2. Nakatam kā kisteyihtahk wīkiy
Pe itohtew ota askīhk
Kitimākisiw e kī nihtawikit
Ate ayisiyiniwiw

3. Mitoni mīswākanikāta
Pimitāskwahikanihk
E nayahtahk ni macihtiwīn
Mitoni kakwatakihtaw

4. Ekosi kī pakitinisow
Kotakwa e pimācihāt
Yotenamawew kihci iskwāhtem
Kīsikohk ta pīhtokweyit

1. Māskoc nama wāhyaw askīhk
Ahpo kihcikamihk
Nama notinikewinihk
Jesus ni ka apacihik
Kīspin māka e natomit
Nete kotak askīhk
Tāpwe ni naskwewasimāw
Kita nanahitawak

Piko ite nika itohtān
E natomit Jesus
Wīya ohci ni ka pīkiskwān
Kā Tipeyihciket
2. Ahpo anohc kā kīsikāhk
Ni ka kī miskawaw
Kā wanisihk omacātisk
Wanitipiskanohk
Nīsohkamawin Manito
Kinatohtamātin
Ki kihci sākihiwewin
Kita wīhtamawak
3. Piko ita e ayāyān
Ota ōma askīhk
Ke atoskawak Manito
E pimātisiyān
Ni māmisisitawāw Christ
Ayis e sākihit
E isi oyeyihtamawit
E tipitōtamān

Simply Trusting Every Day 38

1. Piko mamisitotāw
Kiyām sāpo kīstinohk
Niyaman tāpwehtamān
Mamisi Jesus wīya

Mamisi kape kīsik
Mamisi e tipiskāhk
Mamisi piko ita
Piko mamisi Jesus
2. Nimiyik ot ahcāhkwa
Ahew pīhci nitehihk
Nama nipakisinin
Mamisi Jesus piko
3. Mamisitotawātān
Pīyis askiy pōnpayihk
Ekwa ta pīhtokweyahk
Mamisi Jesus wīya

Nikamona 56:3

“Ispi siyekisiyāni, kīya ki ka mamisitotātin.”

1. Ispi Christ kā pe itohtet
Kita kisākimāt
Owāwesihowākan
Ka mīweyimāt

Tāpiskoc ahcākosak
E kikisipayāhk
Kita wāsisoyiwa
E kikiskawāt
2. Kita peci māwatiniw
Kita kīwetahāt
Otipecihcikewinihk
Kā sākihikot
3. Aniki kā sākihācik
Opimācihiwewa
Ewakoni kā otināt
Ta kikiskawāt

Daniel 12:3

“Aniki māka kā iyinisicik
kita cakāsikewak tāpiskoc
e wāsitek kīsik; mīna
aniki mihcet kā kweskinācik
kwayaskitātisiwinihk tapiskoc
acakosak kākike mīna kākike.”

God Sees The Little Sparrow Fall 40

1. Kisemanito wāpamew
E pahkisiniyit
Ahpo peyesisa wāwīs
Nīya nisākihik

Ni sākīhik ni sākīhik
Tāpwe ni sākīhik
Ayis nit apīsīsīsin
Kā ohci sākīhit
2. Wāpikwaniya osihtāw
Kā miyonākwahki
Mīweyihtam ewakwani
Wāwīs māka nīya
3. Kahkiyaw kā kī osihtāt
Manito sākīhtāw
Āta kā apīsāsiki
Wāwīs māka nīya

Luke 12:6

“Nama ciy niyānān piyesisak
nīso piwapiskosak itakemāwak?
Ekosi, namawāc peyak ewakwanik
wanikiskisitotākwak Kisemanitowa.”

1. Kesiskaw paspihihk owanihowak
Otinik macāyiwinihk ohci
Kā kī pahkisihwāw opinihk ekwa
Wīhtamāhk pimācihiwet Jesus

Kesiskaw paspihihk owanihowak
Christ kiséwātisiw pimācihew
2. Ātaweyimewak Tipehcikeyit
E pehoyit takweskātisicik
Sōhki kakeskimik kwayask natomik
Ta pōneyihtamāk kā tāpwehtahk
3. Atāmihk mitehihk Satan atoskew
Wī nisiwanācihtāw mīwāsik
Kiséwātisiwīn atoskemakan
Omacātis kita kweskātisit
4. Kesiskaw paspihik macāyiwicik
Kika wīcihikowisin tāpwe
Kihtwām kiwehtahihk kwayask meskanāhk
Wīhtamahkok Jesus Christ e nipit

1. Ki wī ācimostātin
Nopimācihiwem ohci
Wīya kā kī peitohtet
Kayās ota askīhk
Angela e nikamoyit
E kī nihtawikit
Ekwa kika miyikonaw
Peyahtakeyimowin

Ki wī ācimostātin
Nopimācihiwem ohci
Wīya kā kī peitohtet
Kayās ota askīhk
2. Mīna ki wī wīhtamātin
Kā isi pimohtet
Kihci ayimisiwinihk
Mosak māka sākohtwaw
Mīna ayakwamiskātam
E wīcihāt kotakwa
Āta e apisteyimiht
Tāpwe kitimākisiw
3. Mīna ki wī wīhtamātin
Āsiteyātik ohci
Ekota kā kī akocihk
Jesus nōpimacihiwem
Kī mīswakanikāta
E nipostamākoyahk
Kī waniskāw māka mīna
Kihtwām ta pimātisit

Isn't The Love Of Jesus Something Wonderful? 43

1. Nāwac miyohtākwān ācimowin
Kihci sākhiwewin ohci
Opimācihiwew peitohtew
E kī nakatahk kihci kīsik

Mitoni mamaskāteyihhtākwān
Jesus e sākhit
Ah mitoni mamaskāteyihhtākwān
Jesus e sākhiwet

2. Ayiwak kihci sākhiwewin
Wīya Jesus e kī paspihit
Macātisiwinihk e miskāwit
Ewako ohci ni nikamon

3. Ekā e tipakehtākosiyān
Jesus o sākhiwewinihk
Kākike ke mamahtākosiyān
Jesus e kī nipostamawit

1. Otākosihk tahto kīsikāw
 Mīna kākike
 Kahkiyaw kita kweskihocik
 ‘ ma wīhkāc Jesus
 Nimāmihcimaw nimāmihcimaw
 Tāpwe Jesus Christ peyakwan
 E isi ayāt

1. Namāc soniyaw nikakī pimācihik
Āta mitoni weyotisiyāni
Jesus omihko piko kaskihtāmakan
Nopimācihiwem nipostamākew

Nitipahikestamakāwin
Nikispinātikawin
Māka namāc soniyaw ohci
Jesus omihko piko
2. Namāc soniyaw nikakī pimācihik
Nimacihtiwiina e kosikwahki
Jesus omihko piko kaskihtāmakan
E kī sīkinahk āsiteyātikohk
3. Namāc soniyaw nikakī pimācihik
Wīya kanāci oyasowewina
Nikipesikon kisiwak Manito
Jesus piko nikakī pimācihik
4. Namāc soniyaw nikakī pimācihik
Nama kekway nikakī tipahen
Jesus omihko piko kaskihtāmakan
E kī sīkinahk āsiteyātikohk

1. Mekwāc e pimātsiyan ōma askīhk
Ispi esakweyimohikawīyan
Akihta mihcet kekwaya pāpeyak
Kisemanito kā kī isi miyisk

Ayakihta ki mekiwina
Manito kā kī isi miyisk
Ayakihta pāpeyak wīhta
Mīna mitoni ki ka māmaskāten

2. Nāspic e nayahtahikāwīyan ciy
Kit āsiteyātikom kosikwatow
Māmawī akihta ki mekiwina
Ki ka nikamon e tahto kīsikāk

3. Kanawāpamatwāwī weyotisak
Kiskisikan Christ e kī asotamāsk
Oweyotisiwin mīna ispimihk
Kākike ki ka wīci pimātsimaw

4. Ekosi e notinikestamawat
Kāwīya ohci sākweyimotota
Manito sākohtwaw misiweskamik
Ki ka wīcewik isko kisipānohk

1. Peyak owiyowin Jesus
Kī kawī wīcewikon
E mikoskāteyhtamān
Kika miyotehikon

 Kanāci wiyowin
 Askīhk aspeyimocik
 Kanāci wiyowin
 Kīsikohk mamahtākwan
2. Tahki owiyowin Jesus
Kika akwanahokon
E koteyimikawīyan
Ahkami pakoseyim
3. Oma kanāci wiyowin
Nimamahtakohikon
Ispi wīya otinici
Mekwāc nikamostawak
4. Pātima kihci kīsikohk
Ke patapistawāyahk
Jesus kit okimāminaw
Kika kistācimānaw

1. Nikiskinohtahik Manto
Ot itwewin miyotākwān
Piko ite e itāyān
Manto e kiskinohtahit

Nikiskinohtahik Manto
Tāpwe nikiskinohtahik
Nikawī pimitisahwaw
Manto nikiskinohtahik

2. Āskaw e kaskitipiskāk
Āskaw e wāpikwaniskāk
Āstokamihk kihci yōtīhk
Manto nikiskinohtahik

3. Ni nohte sakicīhcenaw
Ekā ta kaskeyitamān
Piko ta naheyitamān
Manto e kiskinohtahit

4. Ispi pōni atoskeyān
Wīya ohci sākohtwayān
Sāposkamāni nipowin
Manto ke kiskinohtahit

1. Ka māwacihitonaw ciy
Kihci kīsikowi sīpīhk
Angelak ita pimohtecik
Wāskā kihci apiwinihk

Tāpwe ka māwacihitonaw
Ekota kā miyonākwahk sīpihk
Kā pimiciwahk cīkiy Jesus
Okihci apiwinihk

2. Cīkipehk ekota sīpīhk
Nāspic tāpwe wāsīteu
Ki ka miweyimonānaw
Kākike e kīsikāk
3. Mayīs otihtamahk sīpiy
Kika pakitininānaw
Kā wanāhikoyāhk kekway
Jesus e paspihikoyahk
4. Wīpac kika otihtenaw
Wīpac kika aywepinaw
Kika mamahtākosinaw
E nikamostawāyahk

1. Ācimostawin peyatak Jesus ohci
 Nawac ni wī kiskeyimaw wīya piko
 Kā kī pimohtet kihcikamihk
 Kā kī pimiskāt wīhtamawin

2. Kī natomew awāsisa ta nātikot
 Tāpiskoc e saweyimit nimosihtān
 Sākihiwewin ni ka miyik
 Kenawāpamak oskīsikohk

3. E wī nohte wīcewācik awāsisak
 Kā kī nikamostawācik kayās nete
 Ni wī ātoten nikamoyān
 E māmihcimak okimāwit

4. Māmāskāc ātocikatew e kī pōsit
 Cīmanihk sākahikanihk e tipiskāhk
 E mamākaskāk kī kitotam
 Ekwa aywastin pōniyōtin

5. Kā kī mistahi apwesit kistikānihk
 Kā kī wāwīsākeyihtak nīya ohci
 Kā mīwāsiki wīhtamawin
 E wī sākihak wīya piko

1. Yoskātisiwinihk e natokemot
 Kī natomikonaw Christ
 Sipeyitamowinihk asowāpiw
 Peho ta pekīwiyan

 Pekīwe pekīwe
 E natomisk pekīwe
 Jesus e natomisk ekwa pekīwe
 Omacātis pekīwe
2. Tānehki kā pehoyan e natomisk
 Anohc kisāc pe kīwe
 Kekway ohci ekā ta natohtawat
 Ki wī kisewātotāk
3. Kiyipayiw nahipayiwina
 Pesonākwān nipowin
 Wīpac ki ka otinikon kīsikāw
 Ta pōni waskāwiyan
4. Ah tāpwe māmaskāc sākihiwewin
 Kā kī pe asotamāsk
 Pōneyihtamākowin Jesus ohci
 E wī pōneyihtamāsk

1. Ispi pōnātoskeyāni asowahamāni
Ekwa iskwayāc akāmihk eyāyān
Nika kiskeyimaw Jesus e miyo otinit
Kihci kīsikohk e wī otihtamān

Nika kiskeyimaw Jesus
Ana kā kī tipahikestamawit
Nika kiskeyimaw Jesus
Ocihcihk ayīsitin sakahikan
2. Ispi wāpamaki Jesus nika mīweyitin
E wāpamit okisewātsiwinihk
Tāpwe nimamihcimaw e sākihit mitoni
Kā miyit itāwin kihci kīsikohk
3. Kā sākihakwaw kihci kīsikohk e pehicik
Nikiskisin e paskiwikoyāhkik
Kika nikamonānaw e wī miyotāmoyāhk
Nīkān ni nohte nakiskawaw Jesus
4. Sāpo iskwāthemihk ke wāpiskisiyān tāpwe
Ita ekā wīhkāc kita mātoyān
Nika kiskinohtahik e wī nikamostawak
Māka ni nohte nakiskawaw Jesus

1. Māhti ācimostawin kayās ācimowin
Jesus kā kī nokohtāt o sākhiwewin
Peyatak wīhtamawin tāpiskoc awāsis
Ke isi wīhtamawat e nesowisiyān

Māhti ācimostawin
Māhti ācimostawin
Māhti ācimostawin
Osākhiwewin
2. Ācimostawin nisihk nīya osām tāpwe
E kitimākisiyān mīna macihtiyān
Ācimostawin tahki ni wanikiskisin
Semāk āta pehtamān kihci ācimowin
3. Peyahtik wīhtamawin kiskisitotawin
Kā kī nipostamawit Jesus e sākihit
Ācimostawin tahki kīspin tāpwe ki wī
Kākicihin mitoni ayimisiwinihk
4. Ācimostawin mosak e iteyihtamān
Ani askiwī kekwaya osām ninatonen
Kesko pimātisiyān mīna nipiyāni
Piko ewako wīhta Jesus e sākihit

1. Ki wī penāṭaw nā e ayimisiyan
 Macihtiwīn nayahtaman
 Anāskeṣṭa ositihk Tepeyihciket
 Jesus ki wī aywepihik

 Aywepiwin mīwāpiwin
 Jesus ki wī aywepehik
 Tānehki ekā kā
 Pe nātāt Jesus Christ
 E aspeyimototawat
2. Ki wī penāṭaw nā kika kiyāmihih
 E kiséwātotask
 Piko esi ayāyan ekwa tāpwehtaw
 Jesus ki wī aywepihik
3. Ki wī penāṭaw nā ekā tepahikeyan
 Jesus espīhci sākihisk
 Āsiteyātikohk ki kī nipostamāk
 Kīya tā pimācihisk
4. Ki wī penāṭaw nā e tepwātisk ekwa
 Nātāmostaw ospitonihk
 Ekwa pikwanima kā kī macitōtaman
 Jesus ke aywepihisk

1. Kitawistawaw nā Jesus
Kīya kā kī nipostamāsk
Pahpawahikew kitehihk
Omacātis yotena

Kitawistawaw nā Jesus
Kiyipa nanahihtaw
Yotenamaw kitiskwāhtem
Kitehihk ta pīhtokwet

2. Mīweyihtamowin tawaw
Atoskewin asici
Māka Christ cīstahāskwātiht
Nama tawaw kitehihk

3. Kinatohtawaw nā Jesus
Kihtwām nosowi tepwātisk
Haw anohc kā nahipayihk
Pimācihiwi kīsikāw

4. Ekwa tawanamaw Jesus
Kāwiya otamihtā
Wīpac ke pōni tepwātisk
Ekwa kika nakatik

1. Jesus otinew ekwa
Misiwe tā pehtākwahk
Tahto kā kī paskeyit
Sākweyimowinihk si

Tāpwe e nikamoyahk
Otinew macātisa
Ekwa e pimācihāt
Anohc kā pe nātikot
2. Aywepiwin ke mekiw
Kā aspeyimototaht
Jesus wī pimācihew
Anihi wanihoyit
3. Āta macātisiyan
Kisiwak ni petohtān
Ana kā kī pehkihit
Tāpwe ni pimācihik
4. Otinew macātisa
Ahpo nīya otinit
Ni ka pakitenamāk
Kākike pimātsiwin

1. Kīya kā isi nayahtaman
Macihtiwīn e kosikwahk
Jesus omihko kaskihiwan
Kita apahokoyan

Kaskihtāman
Māmaskāc isi
Omihko Jesus Christ
Kaskihtāman
Māmaskāc isi
Omihko kā kī nipahit
2. Kinohte apahokawīn nā
Akawātamowīn kisteyimowīn
Jesus omihko kā kī sīkinahk
Ki ka kī pehkihikon
3. Wāpiskisiwīn ispihci kōna
Kaskihtāman Jesus omihko
Ki ka kisipekinikon tāpwe
Macihtiwīnihk kahkiyaw
4. Ki nohte atoskawaw nā Jesus
Kopimācihiwem ki kihci okimām
Tahto kīsikāw ta nikamostawat
Omihko kaskihiwan

1. Kekāc kikaskimikawin nā
 Kita tāpwehtawat Jesus Christ
 Pikwāwiyak itwew
 Māc ceskwa pātima
 Kika tepwātitin
 Ah Jesus Christ

2. Kekāc kikaskimikawin nā
 Pe nās anohc Christ tā otinat
 Jesus kinatomik
 Kita pimācihisk
 E ayamihāyahk
 Pe nās Jesus

3. Kekāc kikaskimikawin nā
 Iskwayāc isko nipiyani
 Nama ekwayikohk
 Kekāc ta penātat
 Kākike keyāyan
 Macīskotehk

2 Corinthians 6:2

“Mātika, anohc ekota kā nahipayik;
mātika, anohc pimācihiwewikīsikāw.”

1. Piko e isi ayāyān
Nama kekway nitakonen
Āstam māka ki kī isin
Ekwa nipeci itohtān
2. Piko e isi ayāyān
Ekā e pehoyān kita
Kakwe kanācihisoyān
Ekwa nipeci itohtān
3. Piko e isi ayāyān
Nama kā ataweyimin
Kitāpwehtātin mītoni
Ekwa ni peci itohtān
4. Piko e isi ayāyān
Kīya kisākihiwewin
Tāpwe nisākocihikon
Ekwa ni peci itohtān

Matthew 11:28

“Peci nasik nīya kahkiyaw kīyawaw
kā atoskeyek, mīna mistahi
kā nayatamek, ekosi ki ka
miyitināwaw aywepiwin.”

1. Kā kanawāpahtamwaki
Ita kā kī cīstāskwātiht
Nitasenen tahto kekway
Ayiwak nit iteyihten
2. Nama kekway nimamisin
Wīya piko Christ Nimanitom
Tahto kā kī sākihtāyān
Nika pakitinamawaw
3. Cīst ostikwanihk ocihcihk
E ohtāsikawaniyik
Omihko e paskiyāket
Espīhci kisewātisit
4. Kahkiyaw kekway eyāyān
E pakitinimawak māka
Kita nohtepayiyipan
Espīhci kisewātisit

Philippians 3:10

“Kita kiskeyimak, mīna e isi
māskawisimakaniyek ot āpisisinowin,
mīna e wīcetamoht o kotakihtāwina,
o nipowinihk e ati isihikawiyān.”

1. Ot āsiteyātikohk
E wī nīpawiyān
Tāpiskoc kihci kistāpisk
Mekwāc pastehk askiy
Tasihkewin pikwataskīhk
Aywepināniwan
E kisāstehk pīsim ohci
Nayacikāniwan
2. Ot āsiteyātikohk
Jesus niwāpamaw
E mīhkowiht e wī nipit
E nipostamawit
Ekwa e pekwastek niteh
Nit ohcikawāpin
Eyikohk e macātsiyān
Ekwa e sākihit
3. Ot āsiteyātikohk
Kita kapesiyān
Manito wāstewin nokwan
Kihc kīsikohk ohci
Askīy nīt ātaweyihten
Nama nisākihtān
E nānepewihikoyān
Nimacātisiwin

1. Kisemanto kā Tipeyihcikeyan
E māmāskāteyihāmān tāpwe
Kā osihtāyan kahkiyaw askiya
Ki sōhkātsiwin misiwe nōkwan

Ni nikamon e māmihcimitān
Ki kihcāyiwin ki kihcāyiwin
Ni nikamon e māmihcimitān
Ki kihcāyiwin ki kihcāyiwin
2. Ispi sakāhk mekwāc e pimohteyān
Ni pehtawaw piyesīs nikamot
Mīna wācihk ohci e tāpiyāni
Ni wāpahten sīpiy pimiciwahk
3. Kikosis nama ki kī manācihaw
Māka ni kī nipostamākonān
Āsiteyātikohk mihko kī mekiw
Pōnehtamākoyahk macihtiwīn
4. Christ takohceci ispi Mihk e ohcit
Ni ka miyowāten kiwetāhit
Ni ka wī tapateyimototawāw
Ni ka wīhten e kihcāyiwiyan

1. Wāhyaw ispatināhk āsiteyātikohk
Ita Christ kā cīstāskwātiht
Mīna ni mōsihtān e nipostamawāt
Kahkiyaw ayisiyiniwa

Kihci āsiteyātikohk
Kākike e wī kiskisiyān
Jesus ni ka pimitisahwāw
Isko iskwayāc kīsikāki
2. Āsiteyātikohk atawihākosiw
Mītoni ni nācipitikon
Mantowi kōsisān nakatam ispihih
Wanitipiskāwinihki isi
3. Āsiteyātikohk ocikāwiw mihko
E miyo mitoneyihtamān
Jesus kī akocin e nipostamawit
Pōnehtam ni macihtiwina
4. Āsiteyātikohk ni tipeyimikon
E atāweyimikawiyān
Jesus ke wīsamit kita wīcāyamak
O kisteyihtākosiwinihki

1. Jesus siyākihiyan kika nātamostātin
Mekwāc yiskipewinihk mīna misiyotinohk
Kāsin ah tāpwe kāsin
Christ nopimācihiwem
Meskanāw wāpahtahin
Kiyām nit ahcāhk otin
2. Nama awiyak pītos nikakī pimācihik
Ekāwiya nakasin ah kīyāpic wīcihin
Kīya nika mamisin
Kīya kika wīcihin
Akwanaha nistikwān
Kitatahkwana ohci
3. Kīya piko Jesus Christ kā nataweyimitān
Kika tepiyawehin kenawāpamiyani
Kanātan kiwiowin
Nimacātisin nīya
Misiwe miyo kekway
Kisākaskaneskākon
4. Ah kiséwātisiwin mosak kiweyotisin
Kikakī akwanahen kahkiyaw macihtiwīn
Kīya pimātisiwin
Ekota ohci miyin
Nitehik pimācihin
Anohc mosak kākike

1. Christ ot āsiteyātikom
Ohci nimamihcimon
E kihci ātocikātek
Esi kihceyihtākwahk
2. Askiy nipatakoskākon
E kitimākisiyān
Namawāc ninakatikon
Jesus omīweyimon
3. Kahkiyaw e miyopayik
Miyonākwan misiwe
Āsiteyātikohk ohci
Kape kīsik wāsitew
4. Māmiskōc e ihkiniyihk
Jesus e kwayaskohtāt
Nimiyik mīweyimowin
Peyahtakeyimowin

Galatians 6:14

“Māka namawiya itateyihtākwān
nīya wīya kita mamihcimoyān
piko o pimitāskohikan
kā tipeyimikoyahk Jesus Christ.”

1. Miyowātiko kīsikāw
Kā nawasonak Nimantom
Nitehihk nimīweyihten
Ta wīhtamān piko ite

Mamahtākosiyān
Ispi Jesus kenācihit
E kī kiskinohamawit
Ke isi ayamihāyān
Miyowātamowin
Tahto kīsikāw e miyit
2. Kīsihtāw kihc atoskewin
Nitipecimik Nimantom
Ekwa e kī sākocimit
Kisiwak nika kisātāw
3. Ki kī pehten kā ititān
Tahto kīsikāw kā pehten
Pīyis e ate nipiyān
Kika miyo kiswātitin

I Peter 1:8

“Eyiwehk e tāpwetawāyek
mistahi ki māmatākosināwāw
ekā kita kī tepi wīcikātek
iyikohk māmatākosiwin mīna
e moskinek kisteyihtākosiwin.”

1. Pe itohtek kahkiyaw teyāpwetamek
Pe wāpamik opimācihiwew
Ayisiyinihk kī isi nihtawikiw
Ekwa mamihcimātāk
Jesus Christ
2. Nikamok kīyawāw opimācihowak
Mīna angelak kihci kīsikohk
Mamihcimik mawac espeyihākosit
Ekwa mamihcimātāk
Jesus Christ
3. Mamawi nikamostawātāk Jesus
Ekā kā ātaweyimikoyāhk
Kī nokosiw kita pimācihikoyahk
Ekwa mamihcimātāk
Jesus Christ

Luke 2:11,14

“Cekema anohc kā kīsikāk kīyawāw
ohci nihtawikew ot otinahk David
opimacihiwew ewako Christ kā Tipeyihciket.
Kisteyihākosiwin kita ayāw Kisemanito mawaci
ispimihk kā ayāt, askīhk peyatakeyimowin
ayāwak ayisiyiniwak anihi kā miyoyawehikot.”

1. Angelak ispimihk ohci
Ota askīhk ācimok
Oskāc e kī nikamoyek
Wīhtamok Christ takosihk
Āstamitik patapistāk
Christ anohc nihtawikiw
2. Kenawimayatikweyek
Kistikānihk kāyāyek
Manto kiwīciwikonaw
Wāpamik oskāwāsis
Āstamitik patapistāk
Christ anohc nihtawikit
3. Kīyawāw eyinisiyek
Kiyām ekwa pōnihtāk
Natonāhk kā pe itohtet
Wāpamāyek ahcākos
Āstamitik patapistāk
Christ anohc nihtawikit
4. Kiyāwaw kenātisiyek
Kayās e kī pehoyek
Ketahtawe tepehciket
Wīkihk kita nokosiw
Āstamitik patapistāk
Christ anohc nihtawikit

1. Mostos oyākanihk
Kī pimisimaw
Kā apisīsisit
Jesus awāsis
Ahcākosak māka
Pe itāpiwak
Kenawāpāmācīk
E kī nipāyit
2. Mostosok kitowak
Koskopayiyit
Nama māka māto
Miyo awāsis
Ki wī sākihītin
Kanawāpamin
Isko sākāsteki
Tahki wīcewin
3. Kisiwak wīcewin
Kinatomitin
Jesus kisācimin
E sākihiyan
Sasaweyiminān
Kā itasiyahk
Spimihk ta wīkiyahk
Kīkīhk kākīke

1. Mekwāc āpihtā tipiskāhk
 Nikamon pehtākwahk
 Angelak askīhk yāsiwak
 E nānikamocik
 Kiyāmewisiwin askīhk
 Kihc kīsikohk ohci
 Askīhk mitoni peyatahk
 Esi nikamocik

2. Kiyāpic kīsikohk ohci
 Kita peyāsicik
 E miyotākwahk nikamon
 Ketimākahk askīhk
 Ita kā mawikātānohk
 Ekota pehowak
 Omānitew itwāniwan
 Tahki nikamocik

3. Kīyawāw kā atoskeyek
 Sōhki neyāhtamek
 Meskanāhk e pimohteyek
 Ketimākisiyek
 Cīst miyo kīsikāw wīpac
 Ekwa kita nokwan
 Aywepik cīkiy meskanāhk
 Mekwāc nikamowak

4. Cīst wīpac ke wāpahtamahk
 Oskāc kā petākwahk
 Kita takosinomakan
 Mewāsik kīsikāw
 Kiyāmeyimowin askīhk
 E misitepayihk
 Askīhk isi e kistawehk
 Angelak onikamon

1. Hāw mamahtākosik askīhk
Takosin okimāw
Wawesistāk tahto miteh
Mamaw nikamostāk
2. Ekwa kihci okimāwiw
Kahkiyaw nikamok
Askiy nipy wacy paskwāw
Kita miyohtākwan
3. Nama mīna macihtiwīn
Kita nihtawikiw
Takosin ta saweyihtak
Misiwe kekwaya
4. Oyāsowew tāpwewinihk
Christ wāpahtehiwew
Okwayāskwātisiwina
Kihci sākihiwew

1. Ah Bethlehem itāwinihk
Anohc e tipiskāhk
Kikiskisitotātinān
Mekwāc e nipāyan
Mōsis kīsik ispihihk
Sisikoc wāsitew
Kīsik anohc mīna askiy
Wahkohtahitowak
2. Jesus Christ ohci Marywa
Kī nihtawikihik
Iyiniwak e nipācik
Angelak nikamok
Acakositik sōhki
Miyo kistācimik
Nikamostawātāk mīna
Opimācihiwew
3. Sisikoc ah sisikoc
Ihkiniyiw Manto
Wecitaskemikoyahk
Opimācihiwew
Nama awiyak pehtam
E pecāstamohtet
Kīmoc sākoc ta pīhtokwew
Opimācihiwew
4. Nihtawikiyan Bethlehem
Ekosi nāsinān
Ekatena ekatena
Macitōtamowin
Mah kanāci angelak
Mīna nikamowak
Ah wīcitasihkeminān
Jesus Emmanuel

1. Mewāsik tipiskāw
Aywastin wāseyaw
Ana oskinīkiskwew
Kanāci awāsis asiciy
Peyātik nipāwak
Peyātik nipāwak
2. Kanāci tipiskāw
Kā nokosistawācik
Kanawimāyatihkwewak
Angelak e nikamocik
Jesus nihtawikiw
Jesus nihtawikiw
3. Mewāsik tipiskāw
Manito wāstewin
Ispimihk ohci pe nokwan
Christ petāw nīsohkamākewin
E pe nihtawikit
E pe nihtawikit

1. Jesus kī pe yāsīw Bethlehemihk
Nihtawikiw pisiskoyākanihk
Ahpo kī nakatam kihci kīsik
E nanātonawit
E nanātonawit e nanātonawit
Ni ka kisteyihtākohtawān
O kihci wiyowin
2. Jesus ni kihci pimācihiwem
Kī kakwatakihtaw nīya ohci
Āsiteyātikohk kī akotaw
E wī pimācihit
Ni kī nipostamāk e wī pimācihit
Nikisteyihtākohtān wiyowin
Tāpwe nisākihik
3. Opimācihiwew mwehci oskāc
Ispi kī wanisiniyān wahyaw
Pekāc ekwa kinwes ni kī tepwātik
Kita pimācihit
Nīya nitepwātik nīya nitepwātik
Ni kisteyihtākohtān wiyowin
Tāpwe nisākihik
4. Jesus mīna kita peci yāsīw
Kīsikohk ohci ta kīwehtahit
Ke wāpamak e penihtāciwet
Ni ka wīcāyamāw
Nīsta ta wīcāyamak nīsta ta wīcāyamak
Nikisteyihtākohtān wiyowin
Tāpwe nisākihik

1. Mah angelak nikamowak
E kī nokosit Jesus
Manito mīna iyiniw
Otōtemimitowak
Kahkiyaw ota askīhk
Mīna kihci kīsikohk
Mamawi nikamowak
Christ anohc nihtawikiw
Angelak wawīhtamwak
Christ anohc nihtawikiw
2. Ispimihk kistācimaw
Kākike tepehciket
Miyāw otinamāso
Manito okosisa
E wī wīci ayāmāt
Askīhk otiyinima
Eyiniwit wāpamik
Mīna e manitowit
Angelak wāwīhtamwak
Christ anohc nihtawikiw
3. Kistācimik okimaw
Kihci kīsikohk ohci
Wāseyāsiwin petāw
Nanātwihiwewin
Okistakimikowin
Nahāstaw nihtawikit
E wī pimācihiwet
E wī nipostamāket
Angelak wāwīhtamwak
Christ anohc nihtawikit

While Shepherds Watched 76

1. Kanawimāyatihkwewak
Mocihk e apicik
Angel nokosiw ispihik
E kihci wāsisot
2. Kāwiya sekisik itwew
Cikema nipetān
Miyotākwahk ācimowin
Kahkiyaw ta pehtahk
3. David ototenāhk ohci
Nihtawikiw ekwa
Opimācihiwew Jesus
Kika miskawawāw
4. Kihci kīsiko awāsis
Kika miskawawāw
Wīwekinaw e pimisihk
Pisiskiw kamikohk
5. Ta mamihcimaw Manito
Espeyhtākosit
Kiyāmiwisiwin eyāk
Anohc mīna mosak

1. Ekāwiya miyāskawin
Pemācihiyan
Nīya mīna saweyimin
Kanaweyimin

Jesus Jesus
Kitāpwehtātin
Nīya mīna saweyimin
Kanaweyimin
2. Kikisewātisiwinihk
Nika waniskān
E papiweyimisoyān
Tāpwewin miyin
3. Kīya nīt aspeyimowin
E pe nātītān
Iyinihkahin ahcāhkohk
Ah pimācihin
4. Kīya wacihk kā mīwāsik
Āpisisimin
Namatew awiyak pītos
Kā saweyimit

1. 'Pimātsiwin otina
Otinamāso kiyām
Isko pimātisiyān
Kika mamihcimitin
2. Otina nicihciya
Kikawī atoskākon
Ayā nisita kiyām
Kwayask nika pimohtān
3. Nipehtākosiwin ohci
Nika mamihcimaw Christ
Otina nitōn kiyām
Kika mamihcimikon
4. Kahkiyaw nisōniyām
Kiyām otinamāso
Nimitoneyihcikan
Apacih tā misiwe
5. Nit iteyihtamowin
Otina tipeyih tā
Otina niteh kita
Kihci okimāwiyan
6. Ocihtaw siyākihitān
Iyikohk kaskihtāyān
Niyaw nit ahcāhk mīna
Ah ayāwin kākike

1. Takwan mihko moskiciwan
Immanuel ospikwāhk
Ekota omacātisak
Kita pehkihawak

Nitāpwehten nitāpwehten
Jesus ni nipostamāk
Ekwa kī sīkinam omihko
Nīya ta pehkihit
2. Okimotisk e wāpahtahk
Kī ohci mīwātām
Nīsta āta naspitawak
Christ ni kanācihik
3. Māyacikos kā nipiyan
Sōkātahk kī mihko
Pīyis tahto kā tāpwehtāhk
Kita pimācihaw
4. Aspin kā kī wāpahtamān
Oma kā pekahk sīpiy
Nama ni kā kipihtowān
Ispi ta nīpiyān

1. Espayihk nīya ohci nā
Ana opimācihiwew
Kī nakatam kihci kīsik
Kita pe nipostamawit

Tāpwe nīya nīya ohci
O kihci sākihiwewin
Sōhki nika nikamostawaw
Tāpwe ni kī nipostamāk
2. Ispayihk nīya ohci nā
Angelak kī nikamowak
Kayās kā wanitipiskāhk
Jesus kā kī nihtawikit
3. Nīya ohci nā e itwet
Ana opimācihiwew
Kīya kā ayiskosiyan
Pe nāsin ta aywepiyan
4. Nīya ohci nā kī mātow
E kī ate nayahtahit
Kahkiyaw ni mācihtiwin
E kī kakwatakeyihtahk
5. Nīya ohci nā kī nipi
Āsiteyātikohk mīna
Kī ohcikawiw omihko
Kita pehkihihikoyān nā

1. Ekota āsiteyātikohk
Ita kā kī nipit Jesus
Ni kī pehkihikon omihko
Macihtiwinihk

Kestāstāhk owiyowin
Kestāstāhk owiyowin
Ekota Jesus nipehkihik
Omihko ohci
2. Tāpwe nikihci pimācihih
Jesus nikīkiskāk ekwa
Ekota āsiteyātikohk
Ni kī otinik
3. Ah miyo moskiciwanipek
Mitoni nimāmahtākosin
Ita nikanācihihawin
Kisteyihtākwan
4. Āstamitik moskiciwanihk
Ocihciqwānapik ositihk
Jesus kika pimacihikowaw
Tāpwehtamiko

1. Ni kī miskawaw nitotem
Nīkān ni kī sākīhik
Osākīhiwewin ohci
Ni kī kanaweyimik
Nitehihk ni kī mosihtān
Mosak ni ka kiskisin
Nitipeyimik kākike
Niyawihk nit ahcāhkohk
2. Ni miskawaw nitotem
E kī nipostamawit
Pimātisiwin nimiyyik
Omihko kī sīkinam
Namawiya kekway nīya
Nitipiyawewisin
Kahkiyaw kekway eyāyān
Kākike tipeyhtam
3. Ni kī miskawaw nitotem
Misiwe sohkātisiw
Ni ka kī kanaweyimik
Kihci kīsikohk isi
Wāsiyaw nitepāpahten
Kita sōkitehiyān
Anohc kita atoskeyān
Pīyis ta aywepiyān
4. Ni kī miskawaw nitotem
E kisewātotawit
Nikawī kiskinohtahik
Mīna e nātamawit
Namāc nika paskewinihk
E ispihci sākīhit
Ehe nika sāpohtahik
Pimātisiwinihk isi

1. Ah wīcewin e ate tipiskāhk
Tipiskipayiw Jesus wīcewin
Ah wīcihiwewak namatewak
Kīya Jesus nīsohkamawin
2. Nit akawāten ta wīcewiyan
Wīciweyani nika sākohtān
Kiskinohtahin nika pimohtān
Mīskōc ihkik kiyāpic wīcewin
3. Kisiskāc kisipan nikīsikām
Askīwi māmahtākosiwina
Meskocipayiki niwāpahten
Kīya piko namawāc kikweskān
4. Nama nisekihikon nipowin
Nama nika kosten yikwahāskan
Wīcewiyan ni ka nīpawin
Nika sākohtwān iskwayāc isko

1. Tahki Christ nipimohtahik
Nimamisitotawaw
Nikakī anwehtawaw ciy
E wī kiskinohtahit
Kihci kiyāmewisiwin
Ke kī ohci wīcewak
Nika kecināhon Jesus
Nika sāpo wīcewik
2. Tahki Christ e pimohtahit
Wāsiyāhk nipimohtān
Onīsohkamākwewinihk
Nisītonik tahkine
Āta ayeskosiyāni
Nohteyapahwewinihk
Kistāpiskohk ocihciwan
Pimātisiwi nipi
3. Tahki Christ nipimohtahik
Osākihiwewinihk
Ni wī miyik aywepiwin
Ohtāwiya wīkiyihk
Nit ahcāhk pimātisici
Takosihki ispimihk
Kākike nika ātōten
Jesus e takohtahit

1. Kahkiyaw kā pwawateyek
Macihtiwīn ohci
Pe nāsik pimācihiwet
Aspeyimototāhk

Aspeyimototāhk piko
Speyimototāhk
Kika pimācihikowaw
E pe nātāyek

2. Christ kī sīkinam omihko
Kita saweyimisk
Pakastaweha omihkohk
Ka pehkihihawin

3. Jesus kikiskinohtahik
Aywepiwin isi
Ekāwiya sākweyimo
Ta tāpwehtamwat

4. Pe wīcewik kanātisak
E wī itohteyahk
Kita wīkiyahk ispihihk
Ita mewātamahk

1. Ospitonihk Christ Jesus
 Nikanaweyimik
 Osākihiwewinihk
 Nit ahcāhk aywepiw
 Mah matwe nikamowak
 Angelak ispimihk
 E nikamostawācik
 Ekota akāmihk

 Ospitonihk Christ Jesus
 Nikanaweyimik
 Osākihiwewinihk
 Nit ahcāhk aywepiw
2. Ospitonihk Christ Jesus
 Nikanaweyimik
 Ayimisiwin ohci
 Macihtiwīn mīna
 Nanehkāteyimowin
 Mīna sekisiwin
 Namawiya mihcetwāw
 Ekwa nika māton
3. Jesus nika sākihaw
 Ni kī nipostamāk
 Ota nika nīpawin
 Kihci kistāpiskohk
 Peyahtahk nika pehon
 Mekwāc e tipiskāhk
 Nipehon kita wāpahk
 Ekote akāmihk

I Hear Thy Welcome Voice 87

1. Kipehtātin Jesus
Anohc natomiyan
Kimihko sīkinaman
Nikanācihikon

Ki pe nātitin
Tepeyihcikeyan
Kanācihin kimihkohk
Kā kī sīkinaman
2. Ni pe macātisin
Kimaskawisihin
Mīna nika wāpiskisin
E kanācihiyan
3. Kā kanātahk mihko
Nīsohkamākewin
Omekiwin Jesus Christ
Nimaskawihikon

1 John 1:7

“Omihko Jesus okosisa ki
pehkihirowānānaw kahkiyaw
macihitiwinihk ohci.”

1. Opimācihiwew mīna kihtwām
Kimāmowī mamihcimitinān
Ninīpawinān mamihcimitahk
Ekwa ta ocicikwanāpiyahk
2. Miyinān peyahtakeyimowin
Anohc oma ka ate kīweyahk
Kanaweyimik mayatahk ohci
Tahto ota kā ayamihācīk
3. Miyinān peyahtakeyimowin
Oma mīna ke ate tipiskāhk
Kanaweyimik kitiyinimak
Kaski tipiskāhk mīna wāseyāhk
4. Miyinān peyahtakeyimowin
Isko askīhk ke pimātisiyāhk
Ispi pehtamahk e natomiyāhk
Kīya kita wīci ayāmitahk

John 14:27

“Peyahtakeyimowin ki nakatamātināwāw,
ni peyahtakeyimowin ki miyitināwāw;
namawiya kā isi mekimakahk askiy
kit isi miyitināwāw.”

1. Ah Jesus kiskinohtahinān
Tāpiskoc mayātihkwak
Ita kā miyo micimiskāhk
Asaminān tahkine
Miyo Jesus miyo Jesus
Ekwa tipeyiminān
2. Miyo Jesus nototeminān
Ekwa nokimāminān
Tahkine kanaweyiminān
Ekā ta wanihoyāhk
Miyo Jesus miyo Jesus
Kimawimostātinān
3. Kīya kī asotamawinān
Kita pimācihiyahk
Kiyām ata e macātisiyāhk
Kākike pehkihinān
Miyo Jesus miyo Jesus
Ki wī kweskistātinān
4. Kiyām wīpac ki wī nātitinān
Kita nanahitātāhk
Ah nopimācihiweminān
Kisiwak wīcewinān
Miyo Jesus miyo Jesus
Kākike sākihinān

1. Kiskinohtahin Jehovah
Askīhk pimipiciyān
Niniyāmisin mitoni
Miciminin kicihcihk
Spimihk ohci spimihk ohci
Kika tipiyawehin
Kika tipiyawehin
2. Kita takosinomakan
Iyinihkahiwewin
Kiyām iskotewi wāsko
Ni kiskinohtāhikon
Nātamawin nātamawin
Manto siyohkātsiyan
Manto siyohkātsiyan
3. Otihtamāni nipowin
Ekā kita kostamān
Opinin mamahkahonahk
Misakahin akāmihk
Mosak māka mosak māka
Kika mamihcimitin
Kika mamihcimitin

1. Nit aspeyimon Jesus Christ
Omihk nipimācihikon
Nama pītos nit aspeyimon
Piko Jesus owiyowin

Christ Jesus nit aspeyimaw
Pītos ita yekawiskāhk
Pītos ita yekawiskāhk

2. Wanitipiskisiyāni
Kiyāpic nit aspeyimon
Ahpo e kihci kīstinohk
Mitoni nimiciminik

3. Ot itwewin mīn omihko
Ayimanohk sītonikon
Pōnipayiw pītos kekway
Wīya piko ntaspeyimaw

Matthew 7:24

“Ewako māka ohci awiyak pehtaki
ohi nit itwewina, mīna itōtahki,
ke isi āwihak iyinisiwi ayisiyiniw,
kā kī osihtāt o wāskāhikan tahkohc kistāpiskohk.”

1. Sīmākanisitik
Semāk postasākek
E maskawisihikoyek
Christ kihci okimaw
2. Esi sohkātisit
E maskawātisit
Mamisitotawāt Christ
Ewako sākohtwāw
3. Ekota nīpawik
Osōkātsiwinihk
Māka takonamok Manto
Onīmāskwewina
4. Ekwa kīsihtāyek
Kinotinikewin
Christihk kita sākotwāyek
Kisihkowsiyek

2 Timothy 2:3

“Kīya māka sipeyita ayimisiwin
e wīcewīyan, tāpiskoc e miyosiyit
o sīmākanisima Christ Jesus.”

1. Jesus osākihiwewin
Mawāc kisteyihtākwan
Nitehinahk kikiskāwinān
Mīna saweyiminān
Jesus kikisewātisin
Kihci sākiihiwewin
Pimācihiwewin ohci
Pihtokwe nitehināhk
2. Pakitatāmo kit ahcāhk
Tahto nāskikanināhk
Ekwa māhti pakitinān
Kita āniskeskamāhk
Kahkiyaw macihtiwina
Ekatenamawinān
Kit aspeyimototātin
Kita pakitiniyahk
3. Kīya kā sohkātisiyan
Ah nīsohkamawinān
Sisikoc peci nāsinān
Ekā ta nakasiyāhk
Kika saweyimitinān
Mosak wī atoskātāhk
Kākike eyamihāyahk
E wī kistakimitāk
4. Ekwa māka kīsihinān
Kita kī pekisiyāhk
Kipimāchiwewinihk
Kita mitonisiyāhk
Kisteyihtākosiwina
E miyikowisiyāhk
Pīyis e patapistātāhk
Kimamihcimitinān

1. Iskwapayihki pimātisiwin
Otihtamāni māka kīsikohk
Kisiwak wīcewak nit okimām
Kākike nika mamahtākosin

Tāpwe nika miyowāten
Otihtamān kihci kīsik
Wāpamāki ni kihci okimām
Tāpwe tāpwe nika miyowāten
2. Osaweyihcikewinihk ohci
Itohtahici kihci kīsikohk
Ekwa kanawāpamak Manito
Kākike nika mamahtākosin
3. Nit ōtemwak ekote kāyācik
Kayās ni kī sākihawak oki
Miyokitāpamici Jesus Christ
Kākike nika mamahtākosin

1. Ayāw ciy piko awiyak
Kita wīcīhikoyahk
Ayimisiwin e otihtikoyahk
Ana kā kitimakinākoyahk
E miyikoyahk
Anima kita miyotohtākoyahk

Jesus Christ ewako
Ewako kā nisitohtākoyahk
Kakwatakihtawinihk
Mikoskātisiwinihk
Ana ki ka miyototemikonaw
2. Ki ka wīcīhikonaw ciy
E macātisiwāyahk
E patakoskākoyahk macihtiwin
Ke asenamākoyahk
Ki macihtiwinināwa
Ekwa ke pehkihikoyahk omihkohk
3. Ki ka wīcīhikonaw ciy
Iskwayānohk ke ayāyahk
Nipowinihk kita wīcīhikoyahk
Ke wāstenamākoyahk
Ekā kita sekisiyahk
Akāmihk kita pimohtahikoyahk

There's A Land That Is Fairer Than Day 96

1. Ihtakwan e mīwāsik askiy
Wāhyaw ohci kiwāpahtenaw
Kohtawīnaw peho ekote
Kiwawesitamākonānaw

Ekote pātima
Kanakiskātonānaw mīna
Ekote pātima
Kanakiskātonānaw mīna
2. Kā wīci nikamomānawak
Āsay kā miweyimocik
Nama wīhkāc mīna ekote
Ka nanikateyimonānaw
3. Kohtawīnaw ispimihk eyāt
Ka miyānaw nanāskomowin
Kā kitimākeyimikoyahk
E saweyimikoyahk mosak

John 14:3

“Kīspin māka natawi kwayacih tamātākwāwi
ite kita ayāyek, kawī mīna nika
pe itohtān, ekosi ki ka otinitinawāw
nīya tipiyaw; ita māka e ayāyān,
ekota kīstawāw kita ayāyek.”

1. Māhti mīna nika pehten
Māmaskāc itwewina
Tāpwe kihci miyohtākwan
Pimātsiwitwewina
Pimācihiwewin
Nika keskimikon

Miyotākwan miyohtākwan
Pimāciwitwewina
Miyotākwan miyohtākwan
Pimāciwitwewina
2. Christ kahkiyaw kita miyew
Pimāciwitwewina
Omacātis pisiskihta
Pimāciwitwewina
Jesus kinatomik
Ta kweskātisiyan
3. Miyotākwan ācimowin
Pimāciwitwewina
Pōneyihtamākowin
Jesus ki mohci miyik
Jesus pimācihihik
Kika kanācihihik

1. Ahkami naskosta macihtwāwina
Tahtwaw macimanto e sākocihat
Jesus kika maskawisihikonaw
Kanawāpam Jesus kika nātamāk

Manito kakwecim kita peci sītonisk
Nama nā kita tōtam kita nātamāsk

2. Ka macitōtakik ekā wīcewik
Ekāwiya maci ayami mīna
Miyotwa asici kisewātisit
Kanawāpam Jesus kika nātamāk

3. Ana paskiyāket miyākāniwaw
Mewāsik kihci okimawastotin
Kika sākohtwānaw āta ayimahk
Kanawāpam Jesus kika nātamāk

1 Thessalonians 5:21,22

“Koteyitamok kahkiyaw kekway;
miciminamok anima kā miywāsik;
nakistamok kahkiyaw e ahisinākwahk
maci itiwin.”

1. Christ anohc apisisin
Alleluyah
Misiwe itwāniwan
Alleluyah
Kihci miyowātamok
Alleluyah
Nikamok ispimihk askiy
Alleluyah
2. Apisisin okimaw
Alleluyah
Nipowin kī sākohtaw
Alleluyah
E nipostamākoyahk
Alleluyah
Yikwahaskān paskinam
Alleluyah
3. Kika opiskānānaw
Alleluyah
E pimitisahwāyahk
Alleluyah
E wī naspitāwāyahk
Alleluyah
Kā ayimahk mīwāsik
Alleluyah

1. Ah yikwahaskānihk
Nopimācihiwem
Kā pehot e wāpahk
Tepehciket

Waniskāw watikanihk
E sākohāt okostākana
Waniskāw osākocihiwew tāpwe
Kākike kita pimātisit ekwa
Waniskāw waniskāw
Halleluyah waniskāw

2. Nopimācihiwem
Nipowin esa
Nama kipahokot
Kī waniskāw

Luke 24:6,7

“Namawiya ota ayāw,
māka kī waniskāw;
kanokiskisik tānisi kā kī itikoyek
mekwāc keyāpic Galilīhk e ayāt,
e itwet, itastew iyiniwikosisan
kita pakitiniht ociciwahk kā macātisicik
ayisiyiniwak, kita cīstahaskwātīt māka,
ekosi nisto kīsikāyiki mīna kita waniskāt.”

1. Kihkāyāsikek Christ kitikonaw
Tāpiskoc wāstenamākanisisa
E wānitipiskāhk ta wī nokwan
Kihkāyāsikeyahk kā ayāyahk
2. Kihkāyāsikek Christ kitikonaw
Semāk kiskeyihtam ekā wāsitehk
Kīsikohk petāpiw e wāpahtahk
Kihkāyāsikeyahk kā ayāyahk
3. Kihkāyāsikek Christ kitikonaw
Kaski tipiskāwin itahkwan askīhk
Mekwāc e mayatahk wī wāseyaw
Kihkāyāsikeyahk kā ayāyahk

Matthew 5:16

“Kiyām ekosi kata isi wāstew
ki wāsiyāsiwiniwāw e kitāpamikoyekok
ayisiyiniwak, kita kī wāpahtahkik
ki miyo atoskewiniwāwa, mīna
kita kistakimācīk Kohtāwīwāwa
kihci kīsikohk kā ayāyit.”

1. Ispi e pehtākwahk Tepeyihciket opipihkwan
Ekwa iskwayāc kākike e wāpahk
Ekosi opimācihowak mawacihitowak
Nīya asici nete ke ayāyān

Nīya asici eyāyān
E mamaskateyihtamān
Kita kanawāpamakwāw
Aniki nanātokoskanesicik
2. Ekwa ispi onipowak Christihk tawaniskācik
Yikwahāskahk kita āpisisikwaw
Christ onawasonikana ta mawacihik wīkihk
Nīya asici nete ke ayāyān
3. Atoskawātāk kihci okimaw tahto kīsikāw
Ātotamawtāk osākihiwewin
Ekwa pōni atoskeyahki mīna nipiyahki
Nīya asici nete ke ayāyān

1. Kisiwak Nimantom kinātitin
E ate ayimahk nimeskanām
Kiyām ni nikamon kisiwak Nimantom
Kisiwak Nimantom kinātitin
2. Mīna pimohteyān pahkisimok
Ahpo wantipiskāhk nipāyāni
Kita pawātitān tasi nikamoyān
Kisiwak Nimantom kinātitin
3. Kiyām nimeskanāw kita nokwan
Kīsikohk e isi peyohtamohk
Angelak ispimihk kiskinohtahicik
Kisiwak Nimantom kinātitin
4. Ahpo waniskāyān ni nikamon
Ayimisiwinihk nisākohtwān
Kā ayimahk kiyām nika pesiwikon
Kisiwak Nimantom kinātitin

Nikamona 63:1

“Kisemanito kīya ni Kisemanitom,
ki ka āhkami nanātonātin;
ahcāhk ki nohteyāk pakwetotāk,
ni wīyās ki nohte ayākon.”

1. Kinwes e kī pimātisiyān
Kisteyimisiwinihk osām
Māka Christ ni kī nipostamāk
E sākihit

E kī kihci kiséwātisit
Ni kī pōneyihtamāk Jesus
Ekosi ni kī pakitinik
E sākihit

2. Ah Manito ot itwewinihk
Niwāpahten nimacihtiwin
Ekwa ni kī natamostawaw
Ta paspihit

3. Ekwa kahkiyaw ni kī miyāw
Jesus Christ ni kihci okimām
Ekosi nimamihcimaw Christ
Kā sākihit

Ephesians 2:8

“Cikema kiséwātisiwin kā kī
ohci pimācihikawiyek
tāpweyeyihtamowin ohci;
ewako māka namawiya kīyawāw
keciwāk e ayāyek: ewako
o mekiwin Kisemanito.”

1. Kihci opimācihiwew
Kā kitimākinawit
Mīna e mīweyimohit
E natohtawak Jesus

Mitoni miyohtākwan
Māwac miyowiyowin
Kihci miyonikamon
Jesus miyo Jesus
2. Mihcet nimacihtiwiina
E pōneyihtamawit
Peyahtakeyimowinihk
Kīsta ke aywepiyan
3. Kiyām kita kisteyimaw
Ni tāpwehtāwaw Jesus
Ni sākihtān owiyowin
Ni māmihcimaw Jesus
4. Kahkiyaw sekisiwina
E kīyāmihit Jesus
Ekwa ni miyonatohten
Oma wiyowin Jesus

1. Ki wī tāpwehtātin kihci mayācikos
Pimāciyan
Ekwa natohtawin wepakitamawin
Kiyām anohc ohci
Tipeyimin
2. Nisohkamākewin weyohci miyiyān
Kakihcihin
Nipostamawiyān ki ka sākihitin
E cihkeyimitān
Kīya piko
3. Wanitipiskāki ayimisiyāni
Pimohtahin
Ah wastenamawin kāsiha mātowin
Ekā wīhkāc kita
Nakatitān
4. Isko nipowinihk nāsipeyān sīpihk
Nipakopān
Pemācihiwiyān ekospi sīhtonin
Sāpo pimohtahin
Pemācihin

1. Kipimātsiwin ki kī pakitinen
Kimihko asici kā pimācihiyan
E kī nipostamawiyān
Kekway kā miyitān
2. Kinwes ki kī ayān kotakihtawinihk
Tahki ta ayāyān kikistātsiwinihk
Kinwes kinwes kipamihin
Kekway kā tōtamātān
3. Kohtāwiw owāskahikan kā kī nakataman
Tipiskāwi askīhk kita tasikeyan
Māka nīya kekway kekway
Kā kī nakatamān
4. E kī nayahtaman āsiteyātikohk
Nīya ta paspiyan macīskotehk ohci
Māka nīya kekway kekway
Kā kī nayahtamān
5. Ki kī petamawin miyo askīhk ohci
Pimācihiwewin e sākihiweyan
Kekway kekway māka nīya
Ki kī petamātin
6. Ah Jesus otinin isko ke ayāyān
Kit atoskestātān mīna sākihitān
Kipetamātin kahkiyaw
Kiyām tipeyimin

1. Nipehten miyotākwak
Jesus pimācihwew
Wāwihta ācimowin
Jesus pimācihwew
Pehtākota misiwe
Eskoskamikāhk askiy
Sihkikemo Jesus Christ
Wīya pimācihwew
2. Kihcikamihk pehtākwān
Jesus pimācihwew
Wīhtamawik macātisak
Jesus pimācihwew
Ministikohk eyācik
Kistaskamikohk mīna
Nānikamostawīwak
Jesus pimācihwew
3. Nikamok ayimanohk
Jesus pimācihwew
E kī nipostamāket
Jesus pimācihwew
Nikamok e tipiskāk
Kā wawaniyhtākwahk
Sākohtāw yikwahāskwan
Jesus pimācihwew
4. Kita wepastan ekwa
Jesus pimācihwew
Kahkiyaw mīwātamok
Jesus pimācihwew
Opimācihiwewin
Misiwe tepihtākwān
Sākohtwāwi nikamon
Jesus pimācihwew

1. Nipehtawaw Jesus etwet
Peci nāsin nīya
Aywepi ayeskosiyān
Wītapimin nīya
Ni kī peci nātaŵ Jesus
Ki kī macihtiwīn
Ni kī miyik aywepiwīn
Nimamahtākohik
2. Nipehtawaw Jesus etwet
Nika mohci mekin
Pimātisiwini nīpiy
Wī minihkweyani
Ni kī peci nātaŵ Jesus
Kita minihkweyān
Ekwa nit ahcāhk aywepiw
E kī pimācihit
3. Nipehtawaw Jesus etwet
Nīya kihci wāstew
Pe kanawāpamin nīya
Ka wāstenamātin
Nikanawāpamaw Jesus
Ni kī miyik wāstew
Tāpwe nika wāstenamāk
Kisipanohk isko

1. Kestāpiskowiyan Christ
Ekota ke kāsoyān
Nipiy asici mihko
Kispikāhk wecikawihk
Nika kāsīnamākon
Macihtiwīn mitoni
2. Kākike mātoyāni
Ahpo atoskeyāni
Nama kekway apatān
Kita tipitōtamān
Kīya piko ki ka kī
Tipahikestamawin
3. Nama kekway nitahkonen
Kīya teyāpwetātān
E kitimākisiyān
Nama ni wīcihison
Nimacātisin tāpwe
Kanācihin ah Jesus
4. Kesko pimātisiyān
Mīna ati nipiyān
Ispi opiskāyāni
Mīna wāpamitāni
Kākike kistāpiskohk
Ekota ke kāsoyān

1. Ah saweyihtākwan
 E wīcewitoyahk
 Christ osākihiwewinihk
 Ayamihāwinihk
2. Kihci apiwinihk
 Kit ayamihānaw
 Ayāyāhki astāsiwinihk
 Ki wīcihitonaw
3. Tāpiskoc peyakwan
 Kit iteyihtenaw
 Kitimakinātowinihk
 Wecimātomāyahk
4. Paskewiyitoyahk
 Kisītonitonaw
 Esi pakoseyimoyahk
 Ta nakiskātoyahk

John 17:24

“Nohtā, aniki kā kī miyian,
nit iteyihten, ita e ayāyān,
ekota wīstawāw kita wīci ayāmicik;
kita wāpahtakik ni kisteyihtākosiwin.”

1. Mah Christ opetākosiwin
Kinatomik ekwa itwew
Āstam nimāyacikosim
Kīya kā kī wanihoyan

Pesiwik pesiwick
Misiwe kā wanisikwāw
Pesiwik pesiwick
Peci nātihk Jesus
2. Kika wīcihaw nā Jesus
Kā miskawāt ta pesiwāt
Awena ke kīwetahāt
Anihi kā wanisiniyit
3. Ānta pikwātaskamikohk
Wahyaw e kiskāmatinahk
Mah Jesus kit ayamihik
Nīya kita miskawayan

Luke 15:6

“Ekosi ispi takosiki,
kita nātomew ototema,
mīna o wītapimākana, e itāt,
wīci miyawītamomik wīya
e kī miskawak nimāyatikom
kā kī wanisihk.”

1. Nopimācihiwem kisākihitin
Nikiskeyihten e kī pimāciyan
Kinanāskomitin e wīcewiyan
Kākike māka kika sākihitin
2. Nopimācihiwem kisākihitin
Cikema nistam e kī sākihiyan
Ānta e tipahikestamawīyan
E kī nipiyan āsiteyātikohk
3. Nopimācihiwem kisākihitin
Pimātisiwinihk isko nipowinihk
Ekosi ni ka itwān ispi nipiyan
Nopimācihiwem kisākihitin
4. Kihci kīsikohk nikawī itwān
Ānta esi kihci mamihcimitān
Ah ekosi ki ka nikamostātin
Nopimācihiwem ki sākihitin

1 John 3:1

“Mātika iyikohk sākihiwewin weyohtāwihk
kā kī pakitinamākoyahk Kisemanito ot
awāsimisa kita itikawiyahk.”

I Am Thine, O Lord 114

1. Kitipeyimin Christ ni kī pehten
E kihci sākihiyan
Nit akawāten ta tāpwehtātān
Kisiwak ta nātītān

Nawac kisiwak pesiwin ah Christ
Ita kā kī nipiyan
Nawac kisiwak pesiwin ah Christ
Kimihk wehtasikawahk

2. Ah tāpwe nāspic mīweyihtākwan
Kita wīcewitoyahk
Esi ocikwanapistātahk
Ototemitowinihk

3. Nama nika tepi kiskeyimaw
Iyikohk otihtaki
Nama nika tepi miyowāten
Iyikohk wīcewaki

Nikamona 73:25

“Awena eyāwak kihci kīsikohk
Kīya piko? Mīna nama awiyak ihtāw
askīhk e natweyimak piko Kīya.”

1. Kihci itwewin tepeyimik
Nopimācihiwem Jesus Christ
Manito ni kī kīspinātik
Omihko ohci nipehkihih

Oma nit ācimowin ekwa
Nika nikamon kapekīsik
Oma nit ācimowin ekwa
Nika mamihcimaw Jesus Christ

2. Nika pakitinisostawaw
Ki kī mamātākosiwinihk
E pehtamān ispihihk ohci
Espihci sākihit mitoni

3. Peyahtakeyimowin tāpwe
Nitehihk ayāw kape kīsik
E kanawāpamak Jesus Christ
Ana kā kī nipostamawīt

1 John 5:13

“Ewakoni ohi ki kī masinihamātināwāw
kita kiskeyihtamek e ayāyek kākike
pimātisiwīn, kīyawāw oti kā tāpwetamwāyek
o wiyowin Kisemanito okosisa.”

1. Nika pakitinamawaw
Nopimācihiwem Christ
Kahkiyaw ni mohci miyāw
Isko pimātisiyān

Nipakitinen
Nipakitinen
Nopimācihiwem Jesus
Nipakitinen
2. Nika pakitinamawaw
E patapistawak Christ
Nit atimikāpawisten
Kahkiyaw macihtiwīn
3. Nipakitinison Jesus
Kita tipeyimiyan
Ki kanāci ahcāhk ekwa
Kita kī kekiskawit

Romans 6:13

“Māka pakitinisostāhk Kisemanito,
tāpiskoc e pimātisiyek nipowinihk ohci,
mīna kā tahto papeskis itāpataki
kiyawiwāwa tāpiskoc kwayaskitātisiwi
āpacicikana pakitinamāhk Kisemanito.”

1. Ah nimīweyihten kohtāwinaw
Masinahikanihk kā kī mekīt
Wīhtamawit e kihci sākihit
Jesus e kihci sākihit nīya

Mitoni Jesus e sākihit
Ahpo nīya ahpo nīya
Mitoni Jesus e sākihit
Jesus nisākihih

2. Āta wanikiskisitotawak
Mosak Jesus nikitimākināk
Ekosi kiskisiyāni māna
Ni wī kiwetōtawaw cikema

3. E sākihit Jesus nipimācihih
Ekosi nīsta nohci sākihaw
Ekwa ni kī nipostamāk tāpwe
Ah nikecināhon e sākihit

4. Ah kīspin peyak piko nikamon
Kaskihtāyān ispi wāpamaki
Kihci kīsikohk nika nikamon
Māmaskāc Jesus e kī sākihit

1. Ni ka nānipewisin ciy
Nakiskawaki Jesus
Nama kekway atoskewin
Ni pakitinamawāw

Ni ka nānipewisin ciy
Nakiskawaki Jesus
Ekā peyak e kaskihak
Ekā e kī kweskinak

2. Ah kinwes ni macitōten
Tāpwe e mihtātamān
Ni pakitinisostawāw
E tapatemisoyān

3. Haw ekwa otāpwehtamok
Ayakwamiskātetān
Mweyis pōnatoskeyahki
Jesus atoskawātān

Daniel 12:3

“Aniki māka kā iyinisicik
kita cakāsikewak tāpiskoc
e wāsitek kīsik;
mīna aniki mihcet kā kweskinācik
kwayaskitātisiwinihk tāpiskoc
acakosak kākike mīna kākike.”

1. Jesus Christ nisākihik
Tāpwe nikiskeyihten
Wīya niwīhtamākon
Kihci masinahikan

Christ nisākihik
Christ nisākihik
Christ nisākihik
E kecināhoyān

2. Jesus ninipostamāk
Iskwāhtem paskitinam
Ekwa nikanācihik
Mīna nipīhtokwahik

3. Kisiwak niwīcewik
Jesus nopimācihiwem
Nīsta nika sākihāw
Pīyis ta kīwehtahit

Mark 10:14

“Ekosi kī itew, iyinamākok
apistawāsisak kita pe nāsicik;
ekāwiya kitahamākok: cekema
eko towa Kisemanito
ot otenawiwinihk kā ayācik.”

1. Pe nātihk opimācihiwew
Wāpahtahiwew omeskanāw
Kiwīcihikāpawistākonaw
Etwet āstamitik

Tāpwe kita mīweyihtākwān
Macihtiwīn ohci paspiyahk
Wetihtamahk wīya asici
Kākike kīkinahk

2. Iyīnamākohk awāsisak
Tāpwe miyotākwān e itwet
Kiyām mitoni sākihātān
Āstamitik māka

3. Anohc ita wīcewikoyahk
Haw natohtāhk mīna sākihik
Kahkiyaw e natomikoyahk
Āstamitik ekwa

John 6:37

“Kahkiyaw anihi kā miyit
weyohtawihk ni ka nātikwak;
ana māka kā pe nāsīt
namawiya ni ka wayawiwepinaw.”

1. Cīst miweyimowin wāhyaw askīhk
Okanātisiwak e ayācīk
Mah kā nikamocik
E miyo tākosicik
Opimācihiwew mamihcimaw
2. Pe natāmok oma miyo askiy
Tānehki kā ita wī pehoyek
Ekota ke ayāhk
Tāpwe miweyimowin
Kā tipeyihciket wecewāyahk
3. Kahkiyaw ekota kā ayācīk
Kanaweyimikwak Manitowa
Cihkistetāk māka
Kita kī otihtamāhk
Ispimihk kā ayāhk kihcāyiwin

Revelation 21:4

“Ekosi kita kāsīhamawew kahkiyaw
ohcikawāpiwin oskisikowahk ohci;
mīna nipowin kita namatakwan;
namawiya mīna kita ihtakwan
pikweyitamowin, ahpo mātowin,
ahpo wisakeyitamowin; ayis anihī
nīstam kā kī ayāki ekwa pōnipayiwa.”

1. Nikamostawātān Jesus
E pimācihiḱoyahḱ
Mitoni kakwātaḱtāw
E kī cīstahāskwātiht

Nikamok Nopimacihiwem
Kā nipostamākoyahḱ
Omihko nipehḱihikon
Macihtiwinihḱ ohci

2. Tahki ni ka ayātōten
Āta e kī macihtiḱān
Mitoni ni kī sāḱihik
Kā kī pakitinisot

3. Tahki ni ka mamihcimaw
Jesus Nopimacihiwem
E kī sākohtwāt nipowin
Macihtiwin asici

4. Nikamostawātān Jesus
Okihci sāḱihiwewin
Ni kī pesiwik nipowinihḱ
Kita wīci ayāmit

1. Piko ta wīcewak Jesus
Nama nisākweyimon
Cīkiy piko ta mosihak
Keskinohitahit ekwa

Ekosi nama kekway
Ni ka kosten mayātahk
Piko ita e tohtahit
Ni ka pimitisahwaw
2. Piko ta wīcewit Jesus
Wīya nesowisiyān
Kita kī miyotehehit
Nama awiyak pītos
3. Piko ta wīcewit Jesus
Pimātsiwimeskanāhk
Kā kistihk ahpo sākāstehk
Ekwa ayimisiwinihk
4. Piko ta wīcewit Jesus
Nika kiskinohtahik
Isko pe pimātisiyān
Pīyis kita nipiyan

1. Āstamik sākihāyek
 Kā tipeyihciket
 Kikawī mamihcimānaw
 Owaskahikanihk

 Nit itohtānān
 Kihci kīsikohk isi
 Nit itohtānān ispimihk
 Mantowi otenāhk
2. Nama nikamowak
 Ekā keskeyimācik
 Māka ot awāsimisa
 E nikamostākot
3. Zion ispatenaw
 Nāspic miyonākwan
 Ekā ceskwa otihtamahk
 Kā weyotahk askiy
4. Kiyām nikamotāk
 Ekā e mātoyahk
 Mekwāc kipimohtatenaw
 Kīsiko meskanaw

1. Nikiskeyihten Nohtāwiy
Kihci kīsikohk kā ayāt
Mitoni nikiskeyimaw
E ayamihikawiyān

Kiskeyihtam
E ayamihikawiyān
Kiskeyihtam
Mīna tāpwe niwīcihik
2. Nikiskeyihten Nohtāwiy
E kiskeyihtahk kahkiyaw
Kekway ninataweyihten
Kita kakicihikoyān
3. Kiskeyihtam Ohtāwimaw
Kā nīsowisiyān nīya
Ekosi nika nātamāk
Nikanaweyimik mīna
4. Kiskeyihtam Ohtāwimaw
Ispi nipiyāni tāpwe
Kisiwak ni wī wīcihik
E itohtahit kīsikohk

1. Kisemanito sākihew
Omacātisiwa
Oma pimācihiwewin
Mohci e wī miyāt

Māmaskāteyihṭākwān
Jesus e sākihīṭ
Kita kī pe nihtāciwet
E pe pimācihit
2. Ekwa kimāmihcimitin
Tepeyihcikeyan
Kisākihiwewin ohci
E pimācihiyan
3. Ekwa nitāpweyeyimaw
Christ kā kī waniskāt
Tāpwe kī wīsakeyihtam
E kī nātamawit
4. Wīcihin kita wīhtamān
Kisākihiwewin
Misiweskamikohk isi
Isko pimātisiyān

1. Jesus kī pe nātik nipātipisk
Peyak nāpewa e kakwecimikot
Naskwewasimew omisi kī itew
Kihtwām kā nihtawikeyan

Kihtwām kā nihtawikeyan
Kihtwām kā nihtawikeyan
Tāpwe tāpwe kititin
Kihtwām kā nihtawikeyan
2. Nāpetik natohtamok ayamiwin
Kā itwet Jesus kā tipeyihciket
Ekā ta ataweyihtamawayek
Kihtwām kā nihtawikeyek
3. Wihpihtokweyani kihci kīsikohk
Ta nikamostawat kihci okimaw
Kīspin kākike wī pimātsiyani
Kihtwām kā nihtawikeyan
4. Kā sākihat kihci kīsikohk eyāt
Sāsay ki pehik kihci iskwāhtemihk
Ekosi natohta oma nikamon
Kihtwām kā nihtawikeyan

1. Nama ninānepewisin
Kita ayimomak
Ahpo ot āsiteyātik
Ta kisteyihtamān

Āsiteyātikohk ni kī wāpahten wāstew
Nayahcikan nīcipayiw
Ekote ni kī misken wāpiwin
Mīna nimīweyimon ekwa

2. Miyohṭākwan owiyowin
Ni ka kistakiten
Ekā wīhkāc e nakasit
Ta pakisiniyān

3. Kā kī pakitinimawak
Ta kanaweyihtak
Sokātisiwinihk ohci
Pōn askīwahk isko

4. Ekospi ni ka ācimik
Nohtāwi wāpamak
Jerusalemihk waskāyihk
Ni ka pīhtokwahik

1. Nit ahcāhk opīsimoma
Nopimācihiwem Jesus
Ah ekāwiya kāsostaw
Kīya kit atoskeyākan
2. Ispi ate nipiyanī
Iskwāyāc nika kiskisin
E isi mīweyihtākwahk
Jesus e kanaweyimit
3. Ah wīcewin kape kīsik
Kita kanaweyimiyan
Ah wīcewin kape tipisk
Kīya kā pimācihiyan
4. Kīspin awāsis wanihot
Maceyihtak ayamiwin
Ekwa tipeyihcikeyan
Anohc kika kiwehtahaw
5. Kanaweyim kā ahkosit
Saweyim kā kitimākisit
Kiyām ta miyo nipāwak
Tahto kīwāteyimocik

1. Kekway kā pehkihikoyān
Nimacihtiwinihk ohci
Kaskihtamākaniyiw
Jesus omihko piko

Ah kihciyitākwahk
Kā ayohcikawihk
Niwāpiskihikon
Jesus omihko piko

2. Nitisi pehkihikon
Jesus omihko piko
Nipōneyihtamākon
Jesus omihko piko

3. Oma nit aspeyimon
Jesus omihko piko
Nikwāyaskitātsiwin
Wīya piko Jesus ohci

4. Ekwa ni ka sākohtwān
Jesus omihko ohci
Nika otihthen nīkihk
Jesus omihko ohci

1. Ah kā tipeyihcikeyan
E saweyihcikeyan
Kiyām nīsta saweyimin
Kipakoseyimitin
Kiyām nīsta mīna
Kita saweyimiyān
2. Ekāwiya miyaskawin
Āta macihtehiyān
Kāwiya wīhkāc nakasin
Ah kisewātotawin
Kiyām nīsta mīna
Ah Kisewātotawin
3. Ekāwiya miyaskawin
Kenātisiyan Ahcāhk
Ah ācimostawin mosak
Jesus kā kī kaskihtāt
Wīcewin wīcewin
Kenātisiyan Ahcāhk
4. Jesus osākihiwewin
Omihko kā kānātahk
Nīsohkamākewin mīna
Nīya misiwe miyin
Kiyām nīsta mīna
Nīya misiwe miyin
5. Ekaawiya miyaskawin
Kaa pimaacihweyan
Ki wii kisaatitin kiyaam
Kika wii pimaacihin
Wiicewin wiicewin
Kaa pimaacihweyan

1. Kihci kiséwātisiwin
E kī pimācihit
Kisemanto ni kī miskāk
Mekwāc wanihoyān
2. Ni kī kosten tā nipiyān
Ekwa ni māmīsīn
Kiséwātsiwinihk Jesus
Ni kī nipostamāk
3. Kihci ayimisiwina
E otihikoyān
Jesus māka ni wīcihik
E nīsohkamāwīt
4. Kākike kihci kīsikohk
Ni ka māmihcimaw
Jesus Nopimācihiwem
Kā nipostamawit

1. Kākike kika wīcewin
Iyikohk nitōtemwak
Tahki e pimipiciyān
Jesus kika wīcewin
Cikīwiskawīyan
Cikīwiskawīyan
Tahki e pimipiciyān
Piko ta wīcewīyan
2. Ekā kita aywepiyān
Ahpo kistātisiyān
Māka nika kotakihtān
Piko ta wīcewitān
Cikīwiskawīyan
Cikīwiskawīyan
Tāpwe nika kotakihtān
Piko ta wīcewitān
3. Takine kiskinohtahin
Isko e pimātsiyān
Kīsikowi iskwāhtemihk
Tāpwe nika pīhtokwān
Cikīwiskawīyan
Cikīwiskawīyan
Kīsikowi iskwāhtemihk
Tāpwe nika pīhtokwān